

Ihiẹn Jizos' Kraịstị Ghosì Jọnu Nghosì

¹ Ihiẹn Jizosì Kraịstị ghosì igbon ẹ wu Jọnu ya rị ime ẹhuhụonị. Osolobue we ihiẹn ndịni ye Jizosì, keni o we we ghosì ndị igbon ẹ—nị we hụn ụzọ marin ihiẹn ndị jenkọ d'e me ẹgwa. Kraịstị nọ zi mmon-ozì ẹ jenni odibo ẹ wu Jọnu d'a ghosì a ya, keni ọ gha ẹka Jọnu ghosì ndị igbon ẹ ya. ² Jọnu a shiaguọ nwan ẹri banyeni oku Osolobue lẹ ihiẹn Jizos' Kraịstị ku; ọ shiaguọ ẹri ihiẹn ile ọ hụn.

³ Ngozi ya rini onye owule k'a gunpuhani ibe ẹ ihiẹn ndị rị ime amumani; ngozi ya rizikwo nị ndị hụn k'a nụn'a lẹ ndị hụn k'e me ihiẹn we de ime ẹ—makeni ogen ihiẹn ndini e gi me a riguo nsue.

Jọnu E Kele Uka Esa Ndị Hụ Rị Azuun Eshia

⁴ Jọnu de ẹhuhụonị jenni uka esa ndị hụ rị Azuun Eshia.

Efoma lẹ udon hụn gha ẹka Osolobue, onye ahun rị kikenni, hụn rị mbu, hụn lalanị bia ya rini onu—efoma lẹ udon hụn gha ẹka ya lẹ Mmon esa hụn rị ihun ukpo ẹ ⁵ lẹ Jizos' Kraịstị bia.

Jizosì Kraịstị, hụn wu osheri ahun furu we gi e don enya, onye ibuzo gha onwun lihi, onye hụn a kị ndi-nze rị elu-
uwa.

Ogho lẹ okiki ya wuru nke Jizosì Kraịstị, onye hụn nwe ihiẹn-osisuo enyi, gi edeke ẹ gbapuha enyi ẹka njo enyi; ⁶ ọ nọ nwan me enyi wuru anị-eze, me enyi wuru ndi nchu-ẹjan Osolobue ẹ hụn wu Nedi ẹ. Ogho lẹ okiki ya wuru nke ẹ jenrin ejen! Isee.

⁷ Lee ẹ!

O gi orukpu lala;
enya ile jenkọ d'a hụn a—

ke ndi hu dun a ihien.
 Ndi ani ile ri uwa
 jenko d'a kwan ekwan
 make ufiri e.

Eriira k'o jenko d'a ri! Isee!

⁸ “Mme wu Ibufo le Ikpazuun!”

Ya ke Di-nwonni-enyi wu Osolobue ku—onye hu hun ri kikenni, hun ri mbu, hun lalani; Onye hun nwon iken ile.

Jonu A Hun Jizosi

⁹ Mme wu Jonu nwe ne unu, hun we ri e gi ifiri Kraisti e kpokpo ke we don ri e gi ifiri e e kpokpo onu; m wuzikwo onye Ali-eze Kraisti ke unu don wu; m wetuzikwo obi ali e din ndidi rike unu.

We dupu m shi ali Patimosi, ali hu mirin nohunme, makeni m'e ku oku Osolobue le ni m'a shia ni Jizos' eri. ¹⁰ Ogen m gi ri ebahun, o ru uhuhin ohu, Uhuhin Di-nwonni-enyi, ebe m ri ime mmon, m no nu oken olu ri e ku oku azuun m. Olu hu no ke opi ri a hannu. ¹¹ O si, “Detu ihien i ri a hun ye ime ehuhuo, y'e zijienni uka esani ya:

uka ri Efesosi,

uka ri Sumena,

uka ri Pegamom,

uka ri Tiatira,

uka ri Sadisi,

uka ri Filadefia

lezi uka ri Laodishia.”

¹² Ya m no gbhuto, ni m hun onye nwe olu ahun ri a gwa m oku. E gbhuto m, m no hun obu-ukpe esa we gi goru mema, ¹³ hunzi onye no ke Nwa nke Ihan etintinnai obu-ukpe esani. O yi ewuru tueru ali, gi ihien goru kenhunme obi e. ¹⁴ Isi e le ntutu e hu a chan uchan leke oruru ochan, leke okpukpu mirin-oyi ochan wu s'no. Enya a ebuo hu e nwun ke okun ri e nwnni; ¹⁵ ukun-ali

a nọ kẹ igwe w'a kpọ bronzu, hụn wẹ finchan ọhụnma-ọhụnma, e gbuke nọkẹ sị wẹ gi ọkụn dunchanpuchanrịn unyin rị n'a. Olu ẹ nọzị kẹ ụzụn ọkẹn mirin rị e huni. ¹⁶ O gi kokisẹ ẹsa ẹka-nni. Ọpịa-agma ọnụnai tū nkọ gha a ọnụ suefūha. Ihun ẹ hụ e ti ọda-ọda kẹ ẹnya-anwun dọn e ti efinnai.

¹⁷ Ogen m gi hụn a, m nọ dan anị ụkụ a nọkẹ onyẹ nwunni. Kani, ọ nọ bu ẹka-nni ẹ kwasị m, sị, “Atule egun. Mmẹ wụ Ibuzo lẹ Ịkpazuun. ¹⁸ Mmẹ wuzi onyẹ hụ rị ndun! M te nwunhūn anwunhūn, kani, lee ẹ, m rị nwan ndun jẹnrin ejen. Mmẹ gizikwo ịsanhan Ọnwun lẹ Ali-mmọn.”

¹⁹ “Detu nwan ihien i rị a hūn—ihien rị ogenni lẹ ihien jenkọ d'e mē ihun.”

²⁰ “O mē nke kokishia ẹsa ahun i hūn ẹka-nni m lẹ obu-ukpe ẹsa hū: kokishia ẹsa hū wū mmọn-ozī ẹsa ndi hū hūn a nọkin ẹnya ụka ẹsa hū. Obu-ukpe ẹsa hū wū ụka ẹsa hū.”

Isi Nke Ebuo

Ozi Jesu Sị Wẹ Zi Ndi Uka Ri Efesosi

¹ “Dejenni onyẹ-ozī hūn a nọkin ẹnya ụka rị Efesosi, sị a,

Lee ihien onyẹ hū gi kpakpando ẹsa hū ẹka-nni ẹ, hūn e jenhunmē imē obu-ukpe ẹsa hū wẹ gi goru mēmē, a hunchanrịn kẹ wẹ nọ, ku: ² A maringhọ m ihien ile ọnụ rị e mē: kẹ unū dọn rị a gbakenmē lẹ kẹ unū dọn rị e wetu obi alị e dingbu ihien ile. A maringhọ m nị ọnụ ara ye ndi e mē eje-ihien efe; nị ọnụ e leleguọ ndi hū kpọ enwen wẹ ndi-ozī pū-ichen, hūn a nị ẹlẹ wẹ ndi-ozī pū-ichen kaka. ³ A maringhọzi m nị unū gi ufiri ẹfan m e wetu obi e dingbu ihien ile, a narin afunfun—bū ndun e k'e gukwọ nwan unū.

⁴ Kani, ọnwan wū ihien rị e ze m ize ebe unū rị: unū a latoguo ihien-osusuo ahun unū nwe isi-ibuwo. ⁵ Nyanhan nị nwan ebe unū te rị nị ọnụ d'a dan, unū e gbehuto,

memezi ihien ndi hu unu te ri e me isi-ibuzo. Unu emen'e, a bia m d'e wepu obu-ukpe unu onodi a—mmani unu bihuto aka.

⁶ Kani, o nwego ihien ri mma unu ri e me: ihien ndi itu Nkolitja e me, hun e ze mme le enwen m ize, e zezikwo onu nwen ize. ⁷ Onye nwon ntin ya nu ihien Mmon-nsoriri a gwa aka riri ichen-ichen! Onye hun merini ke m k'e ye iken n'o gi ri mkpuru-osisi ahun e ye ndun, hun riri Paradaisi, Ali Izu-iken Osolobue.”

Ozi Jizosi Si We Zi Ndi Uka Riri Sumena

⁸ “Nke onye-ozii hun a nokin enya aka riri Sumena, dejenn'e, si a,

Lee ihien onye hu wu Ibuo le Ikpazuun ku, onye ahun te nwunhunni kani o huzi nwan ndun: o si, ⁹ A maringwo m afunfun onu riri a ta, marinzikwo ke onu mehan ogbenye (kani odafin ke unu wu nke-esi). A maringho m mkpari unu riri a narin aka ndi hun a kpo enwen we ndi Ju, bu ele we ndi Ju, kani ndi ulo-ofufe Ekwensu ke we wu! ¹⁰ Atule ni egun afunfun unu jenko d'a ta. Lee e, Ekwensu e d'a tu ndi hu ime unu ye unonangan keni we gi e lele unu. Unu k'a ta afunfun akp'ohin iri. Kwondon ni okukwe unu d'e ru onwun. Unu kwondon e, e ye m unu ndun—gi e tu unu ugon noke okpu-eze. ¹¹ Onye nwon ntin ya nu ihien Mmon-nsoriri a gwa aka riri ichen-ichen! Onwun nke ebuo eruko onye hun merini ehụ, o ruko onye hu ehụ.”

Ozi Jesu Si We Zi Ndi Uka Riri Pegamom

¹² “Nke onye-ozii hun a nokin enya aka riri Pegamom, dejenn'e, si a,

Lee ihien onye hu gi opia-agma onunai hu tu nko ku: ¹³ A maringho m ebe unu bi, ebeku ukpo Ekwensu riri. Bu unu kwondonhukwo efan m. Unu a ghorini, si ni onu ekwerini

ni m, ke ogen we gi gbude osheri m we gi e don enya wu Antipasi, hun we gbu ime igunrun onu, ime obodo hu Ekwensu bi.

¹⁴ Kanj, o nwegho ihien ndi ri e ze m ize ebe unu ri: o nwongho ndi ri ime unu ebenu hun e son nkuzi Balam, hun kuzi Balaki ihien o gi bu uke cheni umu Izrelu, me we ri ihien-oriri we gi ru mmon, mezikwo we ghere.

¹⁵ O nwonghozikwo ndi e son nkuzi ndi itu-Nikolitia.

¹⁶ Gbehuto ni nwan. Omeni unu egbehutoji, m k'a bia egwa d'e gi opra-agma ri m onu luson ndi hu agha. ¹⁷ Onye nwon ntin ya nu ihien Mmon-nsor ri a gwa uka ri ichen-ichen! Onye hu merini ke m jenkod'e yebeye **mana** hu zuerini. M k'e yezikwo a omuma ochan hu we deye efan ohun, efan ohun hun o me ni o nwonni onye marin n'a, wezuka onye hu we ye ya wu omuma."

Ozi Jizosi Si We Zi Ndi Uka Ri Tiatira

¹⁸ "Nke onye-ozii hun a nokin enya uka ri Tiatira, dejenn'e, si a,

Lee ihien Nwa Osolobue ku, onye ahun enya a e nwun ke okun; onye ahun ukualii a no ke igwe bronzu we finchanchanrin ri e gbukeni: o si, ¹⁹ A maringho m ihien ile unu ri e me—ke ihien-osusuo onu nwe ke okukwe onu ke ozi unu ri e jen ke ihien ile unu wetu obi ali e dingbuchanrin. A maringho m ni ihien unu ri e me kikenni ka ihien unu me isi ibuzo. ²⁰ Kanj, onwan wu ihien ri e ze m ize ebe unu ri: unu e ye okpoho hu wu Jezibelu efe, okpoho hu hun a kpoo enwen e onye-amuma, hun gi ihien o ri a kuzi e dufie ndi-idibo m, e me we a ghere, e ri ihien-oriri we gi ru mmon.

²¹ E yeole m'a efe n'o gbehuto, kanj o juguo n'o gbehutoko gherebehi. ²² Lee e nwan, m k'a tu a ye bedi emu; m k'e me ndi ya le we gba a ghere ta eje-afunfun—sukpan

nì wẹ gbeshuṭo, mēbehi eje-ihien ndi hụ o rị e mē. ²³ M k'e gbu umu a. Uka ile k'e gi ẹ marin ni mmẹ wu onye hụ e legha uche lẹ obi onye owule; m k'a kuzikwo onye owule ime unu ugwo-orun furu ihien o rị e mē.

²⁴ Kani, nke ndi hoduni ime unu ndi ri Tiatira, hun ghaleni e son nkuzini, hun keleni munrun ihien ndi hụ w'a kpo 'Oken ihien-nzuzue Ekwensu,' m si onu ni ebuyeko m onu ibu ozo— ²⁵ ka kwonkenme ni ihien unu gi d'e ru ni a bja m. ²⁶ Onye hun merini, hun k'a gha e mesonme uche m d'e ru isi-njendeme, ke m k'e we ndi ali ichen-ichen che okpuru ẹ kima,

²⁷ o k'e gi okpo-igwe ki we,
o k'e tikpochanrin we

leke ite we gi urua kpu,

²⁸ nokę ke Nedi m don ye m iken m gi a ki. M k'e yezikwo onye merini kokise utuntun hụ. ²⁹ Onye nwon ntin ya nu ihien Mmon-nsọ ri a gwa uka ri ichen-ichen!"

Isi Nke Eto

Ozi Jesu Si We Zi Ndi Uka Ri Sadisi

¹ "Nke onye-ozì hun a nokin enya uka ri Sadisi, dejenn'e, si a,

Lee ihien onye hụ gi Mmon esa Osolobue lẹ kokise esa hụ ku: a maringho m ihien ile unu ri e mē. W'e weri unu ke ndi ri ndun, kani unu a nwunhuguo! ² Tenhin ni nwan, unu e donzi ihien hoduni, hun hodu ekerę n'o nwunfu—makeni a hunguo m'a ni orun onu ezuni oke enya Chuku m. ³ Nyanhan ni nwan ihien we kuzi unu lẹ ihien onu nu, unu e gi ẹ don, gbeshuṭo. Omeni unu etenhinni, m k'a bja nokę ohin, unu amarinko ogen m'e gi banhan ebe unu ri, kaka!

⁴ Kani, o nwegho ndi buleni oda ri Sadisi hun keleni ru ekwa we unyin. We jenkọ d'e yiri ekwa ochan, son m e

jenhunmẹ, makeni wẹ furu efuru. ⁵ Onyẹ hun merini k'e sọn wẹ yiri ẹkwa ochan. Efichanpuko m ẹfan onyẹ ahun ime ẹhuhọ nke ndun, kaka! M k'a nọ id'ẹnya Nedi m lẹ ndi mmon-ozì ẹ kpọ ẹfan onyẹ hụ, ku ẹ ni a maringhọ m onyẹ o wu. ⁶ Onyẹ nwọn ntịn ya nụ ihien Mmon-nso rị a gwa ụka rị ichen-ichen!”

Ozi Jizọsì Sị Wẹ Zi Ndi Ụka Rị Filadefia

⁷ “Nke onyẹ-ozì hun a nọkin ẹnya ụka rị Filadefia, dejenn'ẹ, sị a,

Lee ihien onyẹ hụ rị nsọ ku, onyẹ hụ wu ihien o sị ni ya k'ọ wu; onyẹ hụ gi isanhan Defidi; onyẹ hụ wẹ ghaleni a saeka a gunma ụzọ o gunpu mọbu gunpu ụzọ o gunma: o sị,

⁸ A maringhọ m ihien ile unu rị e mẹ. Lee ẹ, a gunpuguo ni m onu ụzọ, hun o mẹ ni o nwonni onyẹ k'a saeka gunman'a. A maringuo m ni onu enwekeni iken bu unu hukwo e mẹ ihien m ku, unu aghorini ni unu a maringhọ ẹfan m.

⁹ Lee ẹ! M k'e wehe ndi unọ-ofufe Ekwensu hụ wẹ sị n'ọ wu Ụlọ-ofufe ndi Ju, ndi ahun a kpọ enwen wẹ ndi Ju bu ntụ rọ, ẹlẹ wẹ ndi Ju, a bia wẹ ụku unu d'a kponi unu isi ali, keni wẹ hun ụzọ marin ni ihien unu sọm m. ¹⁰ Makeni unu e wetuguo obi ali dingbuchanrin ihien ile ke m don gwa unu, aniko m afunfun hun lalanị wẹ jenko d'e gi lele ndi ile rị ime uwa ru unu ẹhu. ¹¹ M lala ẹgwa, kwonkenmẹ ni ihien unu gi, amangbe w'a narin onu okpu eze wẹ k'e gi tu unu ugọn. ¹² Onyẹ owule merini ke m k'e gi henrin iden* ime Ụlọ-nso Osolobue m, o ghakozi ebegu pu, kaka! M k'e de ẹfan Osolobue m lẹ ẹfan Jerusalem ohun hụ ye ẹ ẹhu. Jerusalem ohun hụ wu obodo-uku Osolobue m. Ya wu Jerusalem k'a gha enu-igwee lẹ ẹka Osolobue m hidan;

* **Isi Nke Eto:12 Pila**

m k'e dezikwo efan ohun m ye onye ahun ehụ ¹³ Onye nwon ntin ya nu ihien Mmon-nsọ ri a gwa uka ri ichen-ichen!”

Ozi Jesu Si We Zi Ndi Uka Ri Laodishia

¹⁴ “Nke onye-ozì hùn a nòkin ẹnà uka ri Laodishia, dejenn'e, si a,

Lee ihien onye hu wu 'Isee' hùn oku Osolobue gha a bun ku—onye ahun wu Osheri we gi e don ẹnà; Osheri ahun wu onye ezioku; Onye hu ihien ile Osolobue ke gha eka bia: o si, ¹⁵ A maringho m ihien ile unu ri e me: unu anuni okun, onu ajuni oyi. K'o ri m, unu a nu okun mobu ju oyi! ¹⁶ Ebe o me nwan ni unu me nan: unu anuni okun, unu ajuni oyi, m'e d'a gha onu m jupu unu!

¹⁷ Unu ri a si, 'M wu odafin, a baole m uba, o nwonzini ihien a ko ni m.' Kani, unu a marin n'o nwonna ke o han unu kaka, ni onu e ruguo ihien a gba ẹnà-mirin, ni ogbenye ke onu wu, ni onu wu ẹnà-mpin, ni unu gba oto! ¹⁸ M ri nwan a dun unu odun: nonnarin ni m goru we gwalenì, hùn we gi okun dunchanpu unyin ile rin'a, keni unu hùn uzọ wuru idafin; unu e nonnarinzì m eka ochan yiri, gi e kpume oto unu hùn e me ifenren, amangbe w'a hùn a; nonnarinzi kwọ ni m ogun-ẹnà tuye ẹnà, keni unu leghama uzọ.

¹⁹ Ndi m nwe ihien-osusuo we ke m'a jugbo, uwe ke m'e ye afunfun keni we nwonnin uche. Wepuhakwo ni nwan obi, unu e bihuto eka. ²⁰ Gon ni ntin! M turu nwan onumuzo, a du eka, onye nu olu m gunfu uzọ, a banhan m d'e kunrun e, e son m'e ri, o son m ri. ²¹ M k'e ye onye merini onodi n'o son m nodi elu ukpo-eze m, nọke ke mme nwen don meri, son Nedi m nodi elu ukpo-eze e. ²² Onye nwon ntin ya nu ihien Mmon-nsọ ri a gwa uka ri ichen-ichen!”

Isi Nke Ẹnọ

Kẹ W'e Fee Osolobue Imẹ Elu-igwee

¹ Onwan e meguu, m no lee enya, hun onumuzo we gunpu elu-igwee. Olu hu gwa m oku mbu hun no ke oken opi no si m, “Bia enu ebeni, ni m ghosi i ihien jenkọ d'e meni ihien ndini meguu.” ² Ozigbo, m no ri ime-mmọn. M no hun ukpo-eze ime enu-igwee ebegu, hunzi onye ohu nodi ali elu e! ³ Onye hun nodi ali ebegu hu e gbuke ke omuma w'a cho achọ w'a kpo jaspale hun w'a kpo kaneliani. Ekon-le-ogugu hun e nwun ke omuma w'a cho achọ wu emaradi fihunme ukpo-eze hu ohi-ohi. ⁴ Ukpo eno-kwasio-ogun fihunme ukpo-eze hu ohi-ohi. Ndi-isi eno-kwasio-ogun nodisonme ukpo ndi hu. We ile yisonme ewuru ochan, kpusonme okpu-eze goru.

⁵ Amuma hu a gha ukpo-eze hu e bepuha; uzun mirin ri e deni le akpabo huzi a gha ukpo-eze hu a hanpuha. Ukpẹ esa ri ihun ukpo hu e nwun—ukpe esani wu Mmon esa Osolobue.

⁶ Ihien ri ke ohimin we gi ughegbe memeri ihun ukpo hu; o behu nwanran-nwanran, e nwun zai.

Ihien eno ri ndun enya junsomme ihun le azuun nohunmezikwo ukpo-eze hu: ⁷ nke ibuzo ri ke eworo; nke ebuo ri ke oken-efin; ihun nke eto ri ke ihun ihian; nke eno ri ke ugon ri e feni. ⁸ Ihien eno ndini ri ndun nwezonme nku isin-isin. Enya jun we uzo ile—ke ime we ke azuun we. W'a ra bubehi ebu—ke uhinhin ke efinnai—ihien we a busonme wu,

“Nsọ, nsọ, nsọ—ke

Osolobue hun wu Di-nwonni-enyi ri!

Osolobue hun nwon iken ile—

Onye hun ri mbu,

hun ri kikenni,

hun lalani.”

⁹ Ogen ọwụlẹ, ihien ẹnọ hụ rị ndun gihu yeguu onye hụ rị ndun jennrin ejen hun nọdị anị ukpo hụ ọghọ lẹ mgbaye lẹ ekele ẹnina, ¹⁰ ndi-isi ẹnọ-kwasị-ogun ahun a dan alị ihun Onye hụ nọdị alị elu ukpo-eze ahun, Onye rị ndun jennrin ejen, fe ẹ, tuha okpu-eze wẹ ye alị ihun ukpo hụ, a sị,

¹¹ “Chuku-Nna ẹnyi!

Y'e furughọ onye wẹ a ja mma—
y'e furughọ nị w'e ku ẹ ni
ogho lẹ mgbaye lẹ iken
wu nke i.

Makeni, iyụ ke ihien ile.

Makeni y'a chogho,
i nọ mẹ wẹ rị;
makeni y'a chogho,
i nọ ke wẹ.”

Isi Nke Isen

Nwa-ebulu Osolobu Һу Sụo Ru Ogo Ihien Ile

¹ M nọ hun ehuhuo wẹ fifima ẹka-nni onye hụ nọdị anị enu ukpo-eze hụ. Wẹ dejun ehuhuo hụ ihien, ke ime ẹ ke azuun a, gi eriri ẹsa kenme ẹ. ² M nọ hunzi mmon-ozu ohu kin-akwanran k'o gi oken olu e yi oro, a sị, “Onye furu hun k'a topu eriri ndi hụ, fifipu ẹkukwo hụ?” ³ Kani, o nwonni onye ọwụlẹ rị elu-igwee mobu enu-uwu mobu okpuru-uwu hun saeka fifipu ehuhuo hụ mobu lee ẹnya ime ẹ. ⁴ M nọ kwanma ẹkwa oda-oda, makeni o nwonni onye wẹ hun furuni, hun k'a fifipu ehuhuo hụ mobu lee ẹnya ime ẹ. ⁵ Ya ke onye ohu ime ndi-isi hụ nọ sị m, “Akwanzile! Lee ẹ, Ẹworo ebọn Juda, Mkpogun Defidi, e meriguo—o k'a saeka tofu eriri ẹsa ndi hụ, fifipu ẹkukwo hụ.”

⁶ Ya m nọ hun Nwa-ebulu hun nọke sị wẹ te gbu ẹ egbu k'o turu ẹgbata ukpo-eze hụ lẹ ihien ẹnọ hụ rị ndun

lẹ ndi-isi eno-kwasị-ogun hụ hụn wẹ ile fihunmẹ ya wụ ukpo-eze. Nwa-ebuluni nwon mpin esa lẹ enya esa—hụn wụ Mmon esa Osolobue, hụn Osolobue zijen elu-ụwa ile. ⁷ Nwa-ebulu hụ nọ jẹn d'e weri ehuhuo hụ wẹ fifima, hụn rị aka-nni onye hụn nọdị enu ukpo-eze hụ. ⁸ Ogen o gi weriguu ehuhuo hụ, ihien eno hụ rị ndun lẹ ndi-isi eno-kwasị-ogun hụ nọ dan alị ihun Nwa-ebulu hụ; onye owule ime wẹ gi ụbọ lẹ afere nsensị wẹ gi goru memẹ hụn nsensị jun ime e. Nsensini wụ ekpere ndi nke Osolobue. ⁹ Ya wẹ nọ bu ebụ ohun, sị,

“Iyū furu

hụn k'e weri ehuhuo hụ,
hụn k'a topu eriri ndi hụ
wẹ gi kenmẹ e;

makeni wẹ gbu i,

i nọ gi edeke i

gbapuhani Osolobue ihian
ime ebon owule,
ime asusu owule,
ime alị owule
lẹ ime ndi owule.

¹⁰ Y'e meguo wẹ wuru

alị-eze lẹ ndi nchụ-ejan
ebe Osolobue enyi rị;

wẹ k'a kị elu-ụwa.”

¹¹ E lezi m enya, m nọ nụ olu ndi mmon-ozini bu oda hụn fihunmẹ ukpo hụ ohi-ohi lẹ ihien ndi hụ rị ndun lẹ ndi-isi hụ. Ndi mmon-ozini e bukenmẹke oda, wẹ rị nnu-uku ole-ole lẹ ijeri ole-ole-ole. ¹² Wẹ hụ e gi oken olu a bu ebụ, a sị,

“Nwa-ebulu hụ wẹ gbu

e furugho hụn w'e tuchan,

nị iken lẹ akụ-lẹ-uba

lẹ amamihiẹn lẹ akwanran
 lẹ mgbaye lẹ ogho lẹ ojija-mma
 wu nke e!”

¹³ M nọ nuzi kẹ ihien ile wẹ ke eke ri a bu ebu—kẹ hun
 ri enu-igwee kẹ hun ri elu-ɔwa kẹ hun ri okpuru ɔwa kẹ
 hun ri ime ohimin. Ihien wẹ ri a bu wu:

“Ojija-mma lẹ mgbaye
 lẹ ogho lẹ okiki
 ya wusonme nke onye hu
 hun nodi ani elu ukpo-eze—
 lẹ Nwa-ebulu hu—
 jenrin ejen!”

¹⁴ Ihien eno hu ri ndun no si, “Isee!” Ndi-isi hu no dan
 ali, fe Nwa-ebulu hu.

Isi Nke Isin

Nwa-ebulu Hu A Topu Eriri Ndi Hu

Eriri Nke Ibuzo

¹ Ya m nọ hun kẹ Nwa-ebulu hu topu eriri ohu ime eriri
 esa ahun wẹ gi kenme ehuhuo hu, m nọ nu kẹ ohu ime
 ihien eno hu ri ndun gi oken olu hankenme kẹ akpabo, si,
 “Bia!”

² M nọ lee enya, e lee eshin ochan! Onye ri e nyinn'e
 gi utaa. Wẹ nọ ye e okpu-eze, o nọ nyinrin eshin e pu d'e
 merisonme agha.

Eriri Nke Ebuo

³ Ogen Nwa-ebulu gi tofu eriri hun me wẹ ebuo, m nọ
 nu kẹ hun me ebuo ime ihien eno hu ri ndun si, “Bia!”

⁴ Ya eshin ozo nọ fuha. Onwan e nwun ufie-ufie. Wẹ nọ ye
 onye ri e nyinn'e iken n'o wepu udon elu-ɔwa, keni ihian
 gbume ibe wẹ. Wẹ nozi we opia-agma hi-ogbe ye e.

Eriri Nke Etọ

⁵ Ogen Nwa-ebulu hụ gi toput eriri hụn mę wę eto, m nọ nọ kę nke eto ime ihien ndi hụ ri ndun si, “Bial!” M nọ lee enya, e lee eshin ogi! Onye ri e nyinn'ę gi ihien wę gi a ma ihien. ⁶ M nọ nọ ihien nọkę olu ri e ku oku k'ọ gha etintinnai ihien eno hụ ri ndun hanpuha, a si, “Ọka jenko d'a kogbu enwen e: mkpu oka-witi eno k'a wude egho-orun akpu-uhuhin! Mkpu oka-bali mmakalaka mmebuọ k'a wude egho-orun akp'ohin! Ka e wiwikwole ofungbon-olivu le manya!”

Eriri Nke Eno

⁷ Ogen Nwa-ebulu hụ gi toput eriri nke eno, m nọ nọ olu hūn mę wę eno ime ihien ndi hụ ri ndun, k'ọ si, “Bial!” ⁸ E lee m enya, e lee eshin e nwun ehuhuo-ndun, ehuhuo-ndun, kani o hụ e nwun nanhin! Efan onye ri e nyin n'ę wu Onwun; Ali-mmọn sọnkọ a. Wę nọ kebe uwa uzọ eno, ye wę ikęn igi opia-agma le unwun le emu le eje-anu ndi ri elu uwa gbupu uzọ ohu rin'a.

Eriri Nke Isen

⁹ Ogen Nwa-ebulu hụ gi toput eriri nke isen, m nọ lee enya okpuru ukpo nchu-ęjan, m nọ hūn ume-ndun ndi hūn wę gbu make oku Osolobue le ęri wę shiani Jizosi. ¹⁰ Wę nọ weshi olu wę enu, e yi, “Euu Di-nwonnienyi, Onye hūn ihien ile ri ęka a, onye ri nsọ, onye ezioku! Nani kę y'e biehan d'e kin ndi ri enu-uwu ikpe, gbugwari wę kę wę don gbu enyi?” ¹¹ Ya wę nọ ye onye-onye ime wę ewuru ochan tueni, si wę zuzi ikęn ekerę ni umunę wę le ndi-idibo ibe wę zuguu onu, ndi ahun ihian k'e gbu kę wę don gbu wę.

Eriri nke Isin

¹² Ogen Nwa-ebulu hụ gi toput eriri nke isin, ali nọ mahihie oda-oda, anwun nọ gime ngi kę ekwa-ogi, ifon hūn shiaguni nọ nwunhuto, nwunmę edeke-edeke. ¹³ Kokishia

nọ gha elu-igwere danyesonmẹ anị—nọkẹ ebe oken ufere nọ nutusonmẹ ogbe figi chanleni. ¹⁴ Igwere nọ fori nọkẹ ebe wẹ nọ fifima ehuhuo, wepu. Wẹ nọ wepu ugu ile lẹ alị ile mirin nohunmẹ onodi wẹ. ¹⁵ Ya ndi-nze uwa lẹ ndi uku lẹ ndi-ndu-agma uku, lẹ ndi idafin, lẹ ndi ile wẹ gi oku wẹ e don lẹ ndi ozọ ile—kẹ igbon kẹ ndi nwe enwen wẹ—nọ shisonmẹ ime okporo lẹ ebe omuma risonmẹ elu ugu d'a wari, ¹⁶ a si ugu lẹ omuma ndi hu, “Dodo ni, dankwasị ni enyi! Ni unu zueme enyi make Onye hun nodi elu ukpo-eze hu gha e legha enyi; make onuma Nwa-ebulu hu ghazikwo e kunrun enyi—¹⁷ makeni oken uhuhon wẹ gi a kpo onuma a biaguo! Onye wu nwan onye ahun jenkọ d'a sa eka wuzo!”

Isi Nke Eṣa

Madu Nnu Ogun-mmesato Hu

¹ Onwan e meguu, m nọ hun mmon-ozị eno kẹ wẹ turusonmẹ ebamin eno uwa. Wẹ turusonmẹ ebefu e gbondon ufere eno hun e fe ime uwa, amamgbe ufere e fezi uwa mobu ohimin mobu osisi owule. ² Ya m nọ hun mmon-ozị ozọ k'ọ gha azuun owuwa-enya-anwun paha, shiko elu; o gi ihien Osolobue ri ndun gi e ye ahima. O nọ gi oken olu gwa mmon-ozị eno hu wẹ ye iken ni wẹ gi wiwi uwa lẹ ohimin oku, ³ si wẹ, “Ekewiwile ni uwa mobu ohimin mobu osisi owule; cheri ni ni enyi yeguu ndi idibo Osolobue enyi ahima ezimezi-ihun wẹ.” ⁴ M nọ nwan nu madu ole wẹ ye ahima ahun. Madu nnu ogun-mmesato kẹ wẹ ye ahima hu ime ikpun-ulo ile ri Izrelu:

⁵ nnu iri-kwasị-ogun wu ndi ikpun-ulo Juda;
 nnu iri-kwasị-ogun wu ndi ikpun-ulo Rubeni;
 nnu iri-kwasị-ogun wu ndi ikpun-ulo Gadị;
⁶ nnu iri-kwasị-ogun wu ndi ikpun-ulo Asha;
 nnu iri-kwasị-ogun wu ndi ikpun-ulo Naf'tali;

nnu iri-kwasị-ogun wu ndi ikpun-ulo Manase;
⁷ nnu iri-kwasị-ogun wu ndi ikpun-ulo Simionu;
 nnu iri-kwasị-ogun wu ndi ikpun-ulo Livai;
 nnu iri-kwasị-ogun wu ndi ikpun-ulo Isaka;
⁸ nnu iri-kwasị-ogun wu ndi ikpun-ulo Zebulun;
 nnu iri-kwasị-ogun wu ndi ikpun-ulo Josefu;
 nnu iri-kwasị-ogun wu ndi ikpun-ulo Benjamini.

Igunrun Ihian Gha Ali Ile Ri Ichen-ichen Puha

⁹ Onwan e meguu, m no lee enya, hun igunrun hi-ogbe, hun o me ni o nwonni onye saeka gun we. We gha ali ile, ebon ile, ndi ile, le asusu ile puha. Igunrunni turu ihun ukpo-eze hu le ihun Nwa-ebulu hu. We yisonme ewuru ochan tueru ani. Onye-onye ime we gisonme iguru aka.

¹⁰ We hu e gi oken olu e yi oro, a si,

“Nzuofuha gha aka Chuku enyi

hun nodi enu ukpo-eze

le Nwa-ebulu hu a bia”

¹¹ Ndi mmon-ozii ile turusonme ebegu, fihunme ukpo hu le ndi-isi hu le ihien eno hu ri ndun; we no dan ali ihun ukpo hu, ke isi ali, fe Osolobue, ¹² a bu ebuni:

“Isee!

Ija-mma le ogho

le amamihiem le ekele

le mgbaye le ikem le akwanran

wu nke Chuku enyi

jenrin ejem! Isee!”

¹³ Ya onye ohu ime ndi-isi hu no si m, “Elee ndi wu ndini yi ekwa ochan tueru ali? Elebe ke we gha bia?” ¹⁴ M no si a, “Di-okpa, iyu marin ndi we wu.” Ya o no si m, “Ndiri wu ndi hun gha oken ukpokpo hu puha. E giguwe we edeke Nwa-ebulu hu su ewuru we, ewuru we e henrinsonme nke ochan. ¹⁵ Ya hain we gi nwan ri ihun ukpo Osolobue e fe e uhinhin le efinnai ime Ulo-nsa a. Osolobue, Onye hun

noḍi anị elu ukpo-eze, k'a noyeni wẹ, chedon wẹ. ¹⁶ Egun ihien-oriri le ihien-orira agunkozi wẹ. Anwun mobu ihien owule a hun okun amakozi wẹ. ¹⁷ Maeni Nwa-ebulu hu hun ri etintinai* ebegu ukpo hu ri k'a wuru onye-ndu wẹ; o k'e du wẹ noke onye e du anu, shi isi-mirin ndi hu mirin e ye ndun gha a bia. Chuku jenkọ d'e finchanpu enya mirin owule ri wẹ enya.”

Isi Nke Eṣato

Eri Nke Eṣa Hu Le Opi Eṣa

¹ Ogen Nwa-ebulu hu gi topu eriri nke eṣa, elu-igwee ile no me juu ihien noke nkirishi mgbahunme okuloku ohu. ² Ya m no hun ndi mmon-ozie eṣa hu hun e turu ihun Osolobue. Wẹ no ye wẹ opi eṣa. ³ Mmon-ozie ozo, hun gi mkpu goru w'a kpo Sensa wẹ gi a dunni Osolobue nsensi okun, no bia d'e turu ihun ukpo nchu-ejan hu. Wẹ no kpoye e nsensi oda-oda, n'o gi ya le ekpere ndi-nso ile e me chu ejan elu ukpo nchu-ejan hu wẹ gi goru memẹ hun ri ihun ukpo-eze hu. ⁴ Enwunrun nsensi hu ri a dunni le ekpere ndi-nso hu no gha eka mmon-ozie hu a loshi elu ihun Osolobue. ⁵ Ya mmon-ozie hu no weri Sensa hu wẹ gi a dun nsensi okun, gi okun ri ukpo nchu-ejan hu hujun e, tu a ye enu-ṣwa. Ya ke akpabo no han, mirin e den, amuma e be, ali a mahihie.

Opi Enọ Ibuzọ

⁶ Ebehu ke ndi mmon-ozie eṣa hu gi opi eṣa no kwademe ni wẹ gbu opi wẹ.

Opi Ibuzọ

⁷ Mmon-ozie nke ibuzọ no gbu opi e, ekwan-igwee le okun wẹ gwogbama ya le edeke no puha. Wẹ no ma wẹ

* **Isi Nke Eṣa:17** Lee 5.6

ye ime ụwa, ọ nọ dụnpu ụzọ ohu ọkụn, natọ ụzọ ẹbuo; ime osisi ile, ọ dụnpuzi ụzọ ohu, ọ hodụ ụzọ ẹbuo; ọ dụnpuchanrinzi ẹfifia-ndun ile.

Opi Nke Ɛbuo

⁸ Mmọn-ozị nke ẹbuo nọ gbu opi ẹ, wẹ nọ tụ ihien nọkẹ ẹregede ugu ri a nwun ọkụn ye ime ohimin—azuun ohu nọ henrin ẹdeke, ọ hodụ azuun ẹbuo. ⁹ Ụzọ ohu ime ihien ndi ri ndun ri ime ohimin nọ nwunhun, ọ hodụ ụzọ ẹbuo. Ime ugbo-mirin ile, ụzọ ohu nọ tikpofu, ọ hodụ ụzọ ẹbuo.

Opi Nke Ɛto

¹⁰ Mmọn-ozị nke ẹto nọ gbu opi ẹ: kokise ohu hi-ogbe ri e nwun ọkụn lekẹ owa nọ gha igwere dan. Ime iyi ile ri ụwa, ọ danye ụzọ ohu natọ ụzọ ẹbuo—uwe le isi-mirin ri ichen-ichen k'ọ danye. ¹¹ Ɛfan kokise hu wu “Elumilu.” Ime mirin ile rini, ụzọ ohu nọ lumẹ ilu, ọ hodụ ụzọ ẹbuo. Ndi bu ọda nọ nwunhun, make ni mirin hu ri e lu ilu.

Opi Nke Ɛno

¹² Mmọn-ozị nke ẹno e gbu opi ẹ, ihien nọ fian ẹnya-anwun azuun ohu, fianzikwo ifon le kokise azuun ohu-ohu, latosonme wẹ azuun ẹbuo-ẹbuo. Ukpẹ wẹ nọ belu: wẹ kebe kẹ wẹ e nwunhan mbu ụzọ ẹto, enwunkarizini wẹ ụzọ ẹbuo. Anwun amuchanrinzini kẹ uhuhin han k'o don a mu mbu; ifon etibiehanzini k'o don e ti mbu. Wẹ kebe uhuhin ụzọ ẹto, anwun amukarizini ụzọ ẹbuo—erirazikwo kẹ ifon me uhin. ¹³ M nọ lee ẹnya enu, hun ugon ohu k'o feko ime elu, yiko, “Nsongbu! Nsongbu! Oken nsongbu jenko d'a rini ndi ile bi elu-ụwa ogen ndi mmọn-ozị ẹto hu k'e gi nwan gbusonme opi ẹto hun hoduni!”

Isi Nke Iten_{ei}

Opi Ɛto Ɔhoduni Le Eje-mgbugbu Ahun

¹ **Mm**on-ozì nke isen e gbu opì ẹ, m nọ hụn kokisẹ ohu hụn gha elu-igwee danye ụwa. Wẹ nọ ye ẹ isanhan oken-mgbugbu hụ migbu enwen ẹ.

² Ọ nọ gunpu eje-mgbugbu hụ migbu enwen ẹ, ẹnwunrun nọ gha ebẹhụ lọpụhama kẹ ẹnwunrun oken okun wẹ gi a dunchanpu unyin rị goru. Ẹnya-anwun lẹ ufere nọ gba ishi makẹ ufiri ẹnwunrun okun hụ gha ebẹhụ a lọfụha. ³ Ya igurube nọ gha ime ẹnwunrun hụ pụhama, berisonmẹ enu-ụwa. Wẹ nọ ye wẹ iken, ụdị iken hụ akpì rị elu-ụwa nwe. ⁴ Wẹ nọ sị wẹ egbule ẹfifia rị enu-ụwa mọbu ihien owule e nwun ehuhuo-ndun ehuhuo-ndun rị e sue ime ugbo mọbu ime ofia mọbu osisi owule, ka wẹ ru ndi hụ nwonleni ahima Osolobue ezimezi-ihun wẹ ehụ, uwe sọ. ⁵ Wẹ nọ ye igurube ndi hụ efe ni wẹ ye ndi hụ ezigbo afunfun, orogbo ifon isen—kanị anini wẹ wẹ gbu ndi hụ. Ufu wẹ nọkẹ ebe akpì nọ gba ihian. ⁶ Ogen ihienni e gi mẹ, ihian k'a cho onwun, ahunko wẹ onwun; wẹ jenko d'a chokenmẹ ni wẹ nwun, kanị, onwun k'a gba ni wẹ osọ.

⁷ Igurube ndi hụ rị kẹ eshin wẹ kwademegu u wẹ k'e gi jẹn agha. Ihien nọ kẹ okpu-eze goru risonmẹ wẹ isi. Ihun wẹ nọ kẹ nke ihian. ⁸ Eñenren wẹ sue kẹ ntutu ikpoho. Eze rị wẹ onu nọ kẹ nke eworo. ⁹ Okpukpu rị wẹ ehụ rị kẹ igwe onye-agma gi e gbondon obi; nku wẹ hụ a zun ụzun kẹ ebe eshin dokpunko ugbo-agma bu oda gbanko ogbo agha. ¹⁰ Wẹ nwesonmẹ odundun. Edide w'a gba ihian risonmẹ wẹ odundun—ọ nọ kẹ edide akpì. Odundun wẹ kẹ iken wẹ gi e ye ihian afunfun orogbo ifon isen rị.

¹¹ Eze a kị igurube ndini wẹ wu mmon-ozì oken-mgbugbu hụ migbu enwen ẹ. Ndi Hibru a kpọ mmom-ozini Abadonu; ndi Griki a kpọ a Apolionu: ẹfan ebuoni wu “Onye-ntikpo.”

¹² Nsongbu nke ibuzo a ghafegu, ebuo lalazi.

E Gbupu Wẹ Uzo Ohu Ime Ndi Ri Elu-ūwa Latọ Uzo Ebuo

¹³ **Mm**on-ozì nke isin nọ gbu opi e, m nọ nù kẹ olu gha mpin eno ri ntin eno ukpo nchụ-ejan goru hụ ri ihun Osolobue a hanpuha. ¹⁴ Olu hụ nọ si mmōn-ozì nke isin hụn gi opi, “Tọpụ mmōn-ozì eno hụ wẹ kẹnmeto oken iyi Yufretisi!” ¹⁵ Ya wẹ nọ nwan topu mmōn-ozì eno hụ, hụn wẹ kwademegu, kẹmẹ wẹ to, e che ogenni, uhuohinni, ifonni le ahuanị; wẹ nọ nwan topu wẹ keni wẹ gbupu uzo ohu ime ihian ile ri elu-ūwa, gbuhodu uzo ebuo. ¹⁶ Ndi-agma hụn nyiko eshin nọ puha, wẹ wu ijeri-ohun ogun-iri (ya wu nnu-iri, nnu-iri uzo nnu isen-kwasị-ogun-isin). A nughọ m ole wẹ ri.

¹⁷ Lee kẹ m don hụn eshin ndi hụ ime ohun m: ndi ri e nyin ni wẹ yisonme ihien igwe wẹ gi e gbondon obi wẹ. Ihien igwe ndini e nwun ufie-ufie leke okun, enwunrun-enwunrun leke Safe, lezi unwanran-unwanran leke nsin-nya-anwun wu sofo. Isi eshin ndi hụ ri kẹ nke eworo. Okun le enwunrun le nsin-nya-anwun wu sofo ghazi wẹ onu a puha. ¹⁸ Wẹ nọ gi eje-ihien eto ndi hụ ri a gha eshin ndi hụ onu a fuha—ya wu okun le enwunrun le nsin-nya-anwun wu sofo—gbufu uzo ohu ime ihian ile ri elu-ūwa, gbuhodu uzo ebuo, ¹⁹ makeni onu eshin ndi ahun le odundun wẹ kẹ iken eshin ndi hụ risonme. Odundun wẹ nosonme kẹ agwo, nwonsonme isi kẹ agwo. Isi ndi hụ risonme wẹ odundun kẹ wẹ gi a ru ihian ehụ. ²⁰ Ndi hụ hodu elu uwa—ndi hụ eje-ihien ndini gbuleni—egbehutoi obi mebehi eje-ihien wẹ ri e me; alatonị wẹ ife eje-mmōn le ifesonme mmōn wẹ gi eka memẹ—kẹ nke goru kẹ nke ona wu siva kẹ nke igwe bronzu kẹ nke omuma kẹ hụn wẹ gi osisi pin—mmōn ghaleni e ri-eka e legha uzo mobu a nu ihien mobu e jen ijen! ²¹ Egbehutozikwoni wẹ mebehi njo ndini wẹ e me: igbu-ochu, irua-mmōn, ibunshi le igi iken eje-mmōn a run, ughere, izu-ohin.

Isi Nke Iri

Mmọn ozi Hụ Gi Ehubuọ Wẹ Fifipụ

¹ Ya m nọ hụn mmọn-ozị ozo kin-akwanran k'ọ gha elu-igwee hidanla. Orukpu fuhunme e; ekon-le-ogugu ri ibe isi e, ya nwen ri a okpuru; ihun e nọ ke enya-anwun. Uku a ri ke polu ebuo we gi okun mememe*. ² O gi ehuhuo me ekere we fifipụ eka a. O nọ bu uku eka-nni e che elu ohimin, bu uku eka-ekpen e to akpakali. ³ O nọ gi oken olu, hụn nọ ke nke eworo ri e deni, yi oro. Ogen o gi yi oro, akpabo esa ahun nọ han. ⁴ Ogen akpabo esa ahun gi hanguu, m te cho ni m dema, kani a nu m olu gha elu-igwee si, "Zueme ihien akpabo esa hu ku, edetule e!"

⁵ Ya mmọn-ozị hụ m hụn k'o turu elu ohimin le akpakali nọ weshi eka-nni e enu zime enu-igwee, ⁶ kun efan Onye hụ ri ndun jennin ejen, hụn ke elu-igwee le ihien ile rin'a, uwa le ihien ile rin'a le ohimin le ihien ile rin'a, si, "Ebiekozi we, kaka! ⁷ Kama, hụn **mmọn-ozị** nke esa gihu gbu opi e, ihien ahun mini Osolobue kwademe e mezuchanrin k'o don gwa ndi idibo e ndi-amuma."

⁸ Ya olu hụ gha elu-igwee gwa m oku nọ siji m, "Jen d'e weri ehuhuo hụ fifipuni hụn ri eka mmọn-ozị hụ uku a ohu ri elu ohimin, uku a ohu hụ akpakali." ⁹ Ya m nọ jen d'e kunrun mmọn-ozị hụ, si a ye m ehuhuo hụ me ekere. O nọ si m, "Weri e ri. O k'a suo i usuo onu nọke mirin-enwun, kani, o k'e lu i ilu efo." ¹⁰ Ya m nọ narin mmọn-ozị hụ ehuhuo hụ me ekere ri, o nọ suo m usuo onu nọke mirin-enwun, kani, ogen m gi riguu a, efo nọ lume m ilu. ¹¹ Ya we nozi si m, "I k'e buzi amuma banyeni ndi bu oda, ani bu oda, ndi asusu ichen-ichen bu oda le ndi-nze bu oda."

* **Isi Nke Iri:1** pila ebuo we gi okun mememe

Isi Nke Mmanai

Ndi Osheri Ebuo Hu

¹ Ya we no ye m mkpinsi we gi a ma ihien. Mkpinsi hu no ke okpo. We no si m, “Bia d'a ma Unọ-nso Osolobue le ukpo nchu-ejan, y'a gunzikwo ndi hun ri ebenu e fe ofufe.

² Ka amale ihun-ezi Ulo-nso, hapu ohun—makeni e weguo w'a ye ndi ali ndi ozo ri ichen-ichen. We k'a zo obodo nso hu uku orogbo ifon ebuo kwasị ogunnaị.”

³ “M k'e ye ndi-osheri m ebuo iken bu-amuma, ku oku-Chuku, orogbo akpu-uhuhin ogun eto kwasị nnu eto (ogun mmeto kwasị nnu-uku), we k'e yisonme ekwa ahio.”

⁴ Ndi osherini wu osisi olivu ebuo le obu-ukpe ebuo hu ri ihun Onye-nwon-awa-ile. ⁵ Omeni ihian cho n'o me we ihien owule, okun a gha we onu puha, dungbu ndi inenren we ahun cho ni we me we ihien; erira ke onye owule cho n'o me we ihien owule k'a don nwun. ⁶ We nwon iken we gi a kpokin enu-igwere amamgbe mirin e zue ogen hu ile we gi e bu amuma, e ku oku Chuku. We nwonzikwo iken we gi e me mirin e henrin edeke—ke mirin ri iyi ke hun ri ohimin, we nwonzikwo iken we e gi me udi eje-nsongbu le afunfun owule biani uwa ogen owule we cho.

⁷ We shiaguu eri we, eje-anu hu hun k'a gha ejemgbu hu migbu enwen e puha k'a luson we agha, meri we, gbu we. ⁸ Ozun we k'a ri uzọ uwaya kanị ri obodo uku hu we gi enya ime mmon a kpo Sodomu le Ijptu, obodo ohu hu we no kpo gbu Di-nwonni-we. ⁹ Orogbo akp'ohin eto le mkpikpi, ndi ri ichen-ichen le ndi ebon le asusu le ali risonme elu uwa k'a gba ozun we ilee; aniko we onye owule li we. ¹⁰ Ndi bi uwa k'a ri a ghoghọ ni madu ebuo hu a nwunhun, e me mmemme, e yetari ibe we ihien—makeni ndi-amuma ebunoni te bu afunfun toni ndi ile ri elu-awa.

¹¹ Kani, oḡen o gi meḡu akp'ohin eto le mkpikpi, ufere hun e ye ndun no gha ebe Osolobue ri bia, banye ime we, we no turu oto—oken egun no bia ndi hunni we. ¹² Ya we no nu oken olu gha elu-igwee si we, “Bia ni elu ebeni!” Ya we no gi orukpu shi enu-igwee, id'enya ndi-inenren we ri e lee we ile. ¹³ Ozigbo, ali no mahihie oda-oda, azuun ohu ime obodo hu no tikpo, o hodu azuun itenei. Ali hu mahihieni gbu madu ogun-iri kwasị nnu-mmesa (madu nnu-uku esa). Egun no tikenme ndi hoduni, we no kweri ni Osolobue hun ri elu-igwee e hike ogbe.

¹⁴ Nsongbu nke ebuo a ghafegu, lee e, nke eto lala egwa.

Opi Nke Esa

¹⁵ Ya mmon-ozu nke esa no gbu opi e, m no nu oken olu risonme elu-igwee, a si,

“Ali-eze uwa a wuruole nke Di-nwonni-enyi
le nke Kraisti a hun o tume;
o k'a ki jennin ejen!”

¹⁶ Ya ke ndi-isi eno kwasị ogun hu hun nodisonme ukpo we ihun Osolobue no dan ani, keni Osolobue isi-ali, fe e,
¹⁷ a bu ebuni:

“Enyi ri e ye i ekele,
Chuku Nna,
hun nwon iken o gi e me ihien ile,
onye hun ri kikenni, hun rizikwo mbu.
Makeni y'e giguole iken i hi-ogbe kima.

¹⁸ Ndi ali ile e te bughole olulu;

kani iwe-le-onuma i
a bialole nwan.

Ogen y'e gi kin ndi nwunni ikpe
e ruguo.

Ogen hun y'e gi ku ndi-idibo i ugwo,
e ruguo nwan—

ndi idibo i ndi-amuma—
uwe le ndi-nso
le ndi a tu egun i—
ke ndi uku ke ndi nta.
Ogen y'e gi tikpo ndi hun e tikpo uwa
e ruguozil!”

¹⁹ Ya we no gunpu Ulo-nso ime enu-igwee, we no hun Ekpeti-nkwerigbama Osolobue ime ebeku. Amuma elu-igwee no besonme, mirin no densonme, akpabo no hansonme; ali no mahihie, ekwan igwere no dan oda-oda.

Isi Nke Mmēbuo

Okpoho Hu Le Dragonu

¹ Ya ke oken ahunlele pu-ichen no puha elu-igwee: okpoho yi enya-anwun ke ewuru no fuha; ifon ri a okpuru uku, okpu-eze kokise mmēbuo ri ri a isi. ² O ri ime. O hu a kwan ekwan makeni ime ri e me e. O hu a turu a oda-oda makeni omumu e rugo a.

³ Ahunlele ozo no mezi ime enu-igwee: eje-anu hi-ogbe w'a kpo dragon' a puha; Dragonuni e hika ogbe; o nwun ufie-ufie. Isi esa le mpin iri k'o nwe. Okpu-eze ohu-ohu, risonme e isi esa ndi hu. ⁴ Odundun a no zari uzo ohu ime kokise ri elu-igwere, tu we ye ani—o hodu uzo ebuo. Dragonu hu no turu ihun okpoho hu ri a cho n'o mu nwa, keni o ripu nwa a hun o gihu mupuha a.

⁵ Okpoho hu no mu nwa, nwata-okennyē, hun jenkō d'e gi okpo-igwe ki ndi ani ile. Kani, hun o gihu mupuha nwata-okennyē hu, we no juru ya wu nwata, we e shi ebe Osolobue le ukpo-eze Osolobue ri. ⁶ Ya okpoho hu no gbashi ime atu d'a nodi ebeku Osolobue kwademe n'e, ebe we k'a no lepu a enya akp'ohin ogun-eto kwasị nnu-eto.

⁷ Ya we no luma agha elu-igwee, mmon-ozu wu Maikelu le ndi mmon-ozu e son n'e no luson Dragonu hu agha.

Dragonu lẹ ndi mmon-ozị ẹ nọ lụsongwari wẹ. ⁸ Kani wẹ nọ meri Dragonu hu. Anizi ni wẹ ya lẹ ndi mmon-ozị ẹ nọdi enu-igwee. ⁹ Wẹ nọ tutu Dragonu uku hu, agwo mbu-mbu hu w'a kpọ Ekwensu, a kpọzi a Setani. Iya wu onye hun e dufie uwa ile. Wẹ nọ tutu ẹ ye elu-uwā—iya lẹ ndi mmon-ozị ẹ.

¹⁰ M nọ nwan nū olu ohu hannị ime elu-igwee, hun ri a si,

“Nzuofuha lẹ iken lẹ ali-eze Chuku enyi
lẹ okiki Kraisti, onye hu o tume,
a biaguo nwan.

Makeni a tutuguo wẹ onye ahun,
hun e kpesonme umune enyi,
ndi Itu-Kraisti ibe enyi

eka Osolobue enyi uhinhin lẹ efinnai.

¹¹ Kani wẹ nọ gi edeke Nwa-ebulu hu lẹ oku wẹ gi shian'a eri meri ẹ; egheni wẹ isi tuhu okukwe wẹ.

¹² Ya wu, enu-igwee ya ghoghoma nwan;
iya lẹ ndi bi ime ẹ!

Kani, nsongbu jenkọ d'a rinị uwa lẹ ohimin,
makeni Ekwensu e hidanguo d'e kunrun onu.

O gi oken olulu bia—

makeni o maringuo ni ogen ẹ hodu ekere!”

Ekwensu E Buhezi Nsongbu E Elu-uwā

¹³ Ogen Dragonu hu gi hun ni a tutuguo w'a ye elu-uwā, o nọ chuma okpoho hu mu nwata-okennyẹ hu. ¹⁴ Kani, wẹ nọ ye okpoho hu nku ebuo, nku ugon uku—n'o gi gha ebe agwo hu ri fepu, shi ime atu, ebe wẹ jenkọ d'a nọ lepu a enya [ihien nọke] ahua eto lẹ ifon isin. ¹⁵ Ya agwo hu, dragonu hu, nọ gha onu a hupuha mirin nọ ke iyi, n'o hukpu okpoho ahun, keni o huru ẹ, ¹⁶ kani ali nọ yeni okpoho hu eka: ali nọ shiapu onu, luefu mirin hu Dragonu hu gha onu hupuha. ¹⁷ Ya ize okpoho hu nọ ban

Dragonu hu, o no pu, jeme d'a luson umu okpoho hu agha, ya wu umu a ndi hoduni; ndi hun e mesonme ihien ndi hu Osolobue ku; ndi hun a shia ni Jesu eri; ndi hun e kwonkenme oku Jesu. ¹⁸ Dragonu hu no turu enu ejan ri mkpenren ohimin.

Isi Nke Mmèto

Eje-anu Ebuo Hu

¹ M no hun eje-anu ohu k'ọ gha ime ohimin pula. Mpin iri le isi esa k'o nwe. Okpu-eze ohu-ohu risonme elu mpin ndi hu. Efan ri ichen-ichen e kuto Osolobue risonme elu isi esa hu. ² Eje-anuni m hun no ke Ubidon. Uku ali a no ke nke eje-anu w'a kpo Bie. Onu a no ke nke Eworo.

Ya Dragon' no we iken e le ukpo-eze e ye eje-anu hu, tume e oken onye-okiki. ³ Isi eje-anu ahun ohu no ke isi anu we gbugu, kan ebeku we gi gbu e a laguo. Ihien ri eje-anuni ehụ a tikenmeke uwa ile enya—nke wu ni we ile hu e son e. ⁴ We ile no femè Dragonu hu makeni iya ye eje-anu hu iken ahun o gi ki okiki. We nozi fe eje-anu hu, a si, “Onye no ke eje-anu hu? Onye k'a saeka luson e ogun?”

⁵ We ye eje-anu hu onu o gi a nyan isi, e kusonme aru. We no ye e oghere kpa iken orogbo ifon ebuo kwasi ogunnai. ⁶ O no shiapu onu kutosonme Osolobue, e kuto efan a, e kuto ebe o bi—ya wu, e kuto ndi ile bi elu-igwee. ⁷ We nozi ni a luson ndi-nso agha, meri we; e wezikwo we ebon ile le ndi ile le asusu ile le ani ile che okpuru e kima. ⁸ Ndi ile bi enu-uwa k'e fe e—ya wu onye owule we deleni efan a ime ekukwo nke ndun Nwa-ebulu hu we gbu ni we d'e gbe iyeto uwa.

⁹ Onye nwon ntin, ya n'ọ nu.

¹⁰ Onye owule Osolobue si ni we k'a nwunrun a, we k'a nwunrun a;

onye ọwụlę Osolobue sị nị wę k'e gi ọpia-agma gbu e, wę k'e gi ọpia-agma gbu e.

Ọnwan chọ ndidi lę okukwe ęka ndi nke Osolobue.

¹¹ Ya m nọ hun eje-anu ọzọ hun gha ime-ụwa puła. Mpin ebuọ k'o nwe rike nwa-ebulu bu o ku ke Dragonu.

¹² Okiki Eje-anu hunni ri a ki wu nke eje-anu nke ibuzo, hun o ye e kidonn'e. O wa a ye ụwa lę ndi hun bi ime e olu ni wę e fe eje-anu nke ibuzo hu—hun ebe wę gi gbu e laguu. ¹³ O gisonme oken ọrun-atumenya a kpa iken; o meghode okun gha elu-igwee hidan id'anya ihian ile. ¹⁴ O nọ gi ọrun-atumenya ndini wę ye e efe rundonni eje-anu nke ibuzo hu dufie ndi bi elu-ụwa; o sị wę kpụ ya wu eje-anu nke ibuzo—hun ahun wę be ọpia-agma isi ohu gbu e—kanị o huzi nwan ndun. ¹⁵ Wę nọ nizi eje-anu hun-eboni saeka me ihien o me hun ihien ahun wę kpụ gi ri ndun, kunme umenren—ihien hu wę gi udi eje-anu nke ibuzo hu kpụ, nke wu ni ya wu ihien wę kpụ node kume oku; ya wu ihien node me wę gbu ndi hu ile ju ni efeko w'a.

¹⁶ Eje-anu hun-eboni nozi me wę ye ihian ile ahima ękanni mobu ezimezi-ihun—ke ndi uku ke ndi nta, ke odafin ke ogbennye, ke igbon ke onye nwon enwen e— ¹⁷ nke wu ni onye ọwụlę wę yeleni ahima hu a saeka non mobu re ihien ọwụlę. Ahima hu wu efan eje-anu ibuzo hu mobu ahima hun a nokin enya efan a.

¹⁸ Ọnwan chọ amamihien: onye ọwụlę nwon nghota ya gi e gbako ahima eje-anu hu, makeni ahima ihian ro. Ahima hu wu isin kwasị ọgun-mmęto kwasị nnu* .

Isi Nke Mmęno

Nwa-ebulu Hu Lę ndi Nke E

* **Isi Nke Mmęto:18** “666” ke w'a kpọ a Ọnu-ebo.

¹ E lezi m'enyā, m nọ hụn Nwa-ebulu hụ k'o turu elu Ugu Zayonu—ya lẹ madu nnu ogun-mmēsato wẹ deye efan a lẹ efan Nedi e ezimezi-ihun wẹ. ² M nọ nuzi olu gha enu-igwee bja. Oluni ri a han ke uzun oken-mirin ri e huni lẹ uzun akpabo hankenmeni. Olu hụ m nū rizi ke ebe ndi a kpọ ubo ri a kpọ ubo wẹ. ³ Madu nnu ogun mmēsato ahun hụ a bu ebu ohun ihun ukpo hụ lẹ ihien eno hụ ri ndun lẹ ndi-isi hụ. O nwonni onye ozo saeka munrun ebu hụ wezuka madu nnu ogun-mmēsato hụ wẹ gha ime uwa gbapuha. ⁴ Ndinị wu ndi hụ gileni ikpoho meru enwen wẹ; wẹ wu ikennyē marinleni ikpoho. W'e sọn Nwa-ebulu hụ ebe owule o jenkọ. Osolobue lẹ Nwa-ebulu hụ a ghaguo ime ihian ile gbari ndini nọke mkpuru-ibuzo. ⁵ Anutuni wẹ ntụ onu wẹ; enwon wẹ ntupo.

Ndi Mmon-ozī Etọ Hụ

⁶ M nozi hūn mmon-ozī ozo hūn feko ime enu, ime elu-igwee. O gi ozioma itebite hūn o k'e zi ndi ile bi elu-ūwa—ya wu, ndi ali owule lẹ ebon owule lẹ ndi a sū asusu owule lẹ ndi owule.

⁷ O nọ gi oken olu si, “Tū ni egun Osolobue, onu e ye e ogbo, makeni ogen o k'e gi kin ikpe e ruguo. Eghee, fe ni Onye hūn ke enu-igwee lẹ uwa lẹ ohimin lẹ isi-mirin ri ichen-ichen!”

Babilon' A Daan!

⁸ Mmon-ozī ozo, hūn me e ebuo, nọ fūha, a si, “O danguo! Babilonu uku hū a danguo! Okpoho hū hūn me ndi ali ile ra manya a, manya a hūn zeni, manya ughere e!”

Afunfun Ri E Che Ndi K'a Narin Ahima Eje-anu Hụ

⁹ Mmon-ozī ozo, hūn me wẹ eto, nọ puha, gi oken olu yiko, “Onye owule hūn fe eje-anu hū lẹ udi a wẹ kpu, narin ahima a ezimezi-ihun mobu eka wẹ, ¹⁰ jenkọ d'a

razikwọ manya hụ zeni, manya iwe-łe-ọnuma Osolobue, hụn wẹ gburołeni—hụn wẹ huye ime mkpu iwe-łe-ọnuma a. Wẹ k'e gi okun ọ nsin-ẹnya-anwun ye wẹ eje-afunfun id'ẹnya ndi mmon-oziri nso ọ ọ id'ẹnya Nwa-ebulu hụ. ¹¹ Enwunrun okun wẹ gi riri e ye wẹ eje-afunfun wẹ k'a riri ime e k'a gha a ọshi elu jennin ejen. Kẹ uhinhin kẹ efinnai, izu-iken arikonidi hụ siko d'e fe eje-anu hụ ọ ihien wẹ kpu kẹ iya, uwe ọ onye owule narin ahima efan a.”

¹² Onwan cho ndidi eka ndi nso, ndi hun e mesonme ihien Osolobue ku, e kwerikenme ni Jizosi.

¹³ M no nu olu gha elu-igwee si, “De onwan: gha ogenni jenne, ngozi jenko d'a rini ndi hun k'a no ime Di-nwonnienyi nwunhun!”

“Eghee, ndi wẹ gozi agozi kẹ wẹ wu nke-esi! Wẹ k'e zu iken onun wẹ, makeni ihien wẹ runpuha riri e son wẹ!” Iya kẹ Mmon-nso ku.

A Ghorị Wẹ Mkpuru Uwa Mi

¹⁴ Ya m no lee enya, m no hun orukpu ochan. Onye nodi ali elu orukpu hụ no kẹ Nwa nke Ihian. Okpu-eze goru riri a isi. Opija gorini tuni w'a kpo Siku, hun wẹ gi a gho mkpuru hụ a eka. ¹⁵ Mmon-oziri ozo no gha ime Unon-nso puha, gi oken olu hijenni onye hụ nodi elu orukpu, si a, “Gi nwan siku i ghorị mkpuru, ni ogen e ruguo w'e gi ghorị mkpuru, makeni mkpuru uwa mi a kachanringuo.” ¹⁶ Ya onye hụ hun nodi enu orukpu no fe opia-siku a ye elu uwa, ghorị mkpuru uwa mi.

¹⁷ Mmon-oziri ozo no gha Ulo-nso hun riri elu-igwee fuha, ya nwen gizikwo opia-siku tu-nko. ¹⁸ Ya Mmon-oziri ozo no gha ukpo nchu-ejan puha. Onwan wu mmon-oziri hụ hun Osolobue we oku owule gbashiarị okun che okpuru e. O no weshi olu elu, hijenni mmon-oziri hụ gi opia-siku tu-nko, si a, “Gi nwan opia-siku i tu-nko ghorị ohio-grepu hun vaini

uwa mi, makeṇi grepu ẹ a changuọ!”¹⁹ Ya mmon-ozì hụ nọ fe oṗia-sìkù a ye elu-uwa, ghorì grepu rì uwa, tọ a ye ebẹhụ hi-ogbe hụn Osolobue nọ a ghoṣi iwe-le-onuma a —ebẹhụ o nọ a pìnpuha manya grepu ẹ.²⁰ Wẹ nọ gha ime obodo hụ pụ, shi ebẹhụ d'a pìnpuha manya grepu hụ. Edeke nọ gha ebahun wẹ nọ a pìnpuha manya e hupuha. O ru edeke ahun e ru ihian isi-uvun; ẹshin banye ime ẹ, o ru ẹ onu; o d'e huru ihien nọkẹ mail' isen kwasì ogun-itenei.

Isi Nke Mmisẹn

Nsongbu Ikpaẖun Ẹsa E D'e Bidon

¹ Ya m nọ hunzì oken ahunlele ozo pụ-ichen ime elu-igwee; onwan a tũkenmekẹ ẹnya: mmon-ozì ẹsa gi eje-afunfun ẹsa! Eje-afunfun ẹsanì wụ ndì ikpaẖun. Uwẹ kẹ iwe-le-onuma Osolobue k'e gi bi.

² M nọ hun ihien nọ kẹ ohimin ughegbe wẹ gwagbama ya lẹ okun, hunzì ndì hụ meri eje-anu hụ lẹ ihien hụ wẹ kpụ kẹ ya—lẹ ahima nomba hụ hụn a nokin ẹnya ẹfan a. Ndinì wẹ turu mkpenren ohimin ughegbe hụ. Wẹ gisonme ubo Osolobue ye wẹ.³ Wẹ hụ a bụ ebụ odibo Osolobue wụ Mozizi lẹ ebụ Nwa-ebulu hụ,

“Euu Chuku Nna,
Onye hụn nwon iken ile!
Y'e mekẹ oken ihien lẹ ihien a tọ ẹnya!
Euu, Eze anì ile lẹ agbo ile!
Iri-ochan lẹ ezioku kẹ i gi e me ihien i.

⁴ Euu Nna,
onye k'a sị n'ọ tũko egun i,
n'ọ jakọ ẹfan ì mma?
Iyụ sọo rì nsọ.
Alì ile k'a bja d'e fe i,
makeṇi y'a hanguọ enen
hụn ghoṣi n'ì rì-ochan.”

⁵ Onwan e meguu, m no hun Ulo-nso (Odu-nkwerigbama ahun, Odu Ashia-eri ahun, we no e fe ofufe) hun ri elu-igwee. We gunpu a agunpu. ⁶ Ndi mmon-ozì esa hu gi eje-afunfun esa hu no gha ime Ulo-nso puha. We yisonme ekwa line nwunni, hun ri e gbukeni. We ile gisonme ihien goru kenhunme obi we.

⁷ Ime ihien eno hu ri ndun, ohu no ye mmon-ozì esa hu aferè esa we gi goru memè. Ihien jun aferè ndi hu wu iwe-le-onuma Osolobue, Onye hu ri ndun jenin ejen. ⁸ Enwunrun gha ogho Osolobue le iken e a lofua no jun unon-nso hu; o nwonzini onye saeka banye Ulo-nso hu d'e ru ni eje-afunfun esa hu mmon-ozì esa hu gi e bi.

Isi Nke Mmisin

Eje-afunfun Esa Ikpazuun!

¹ Ya m no nu ke oken olu gha Ulo-nso gwa ndi mmon-ozì esa hu oku, si we, "D'e hu ni iwe-le-onuma Osolobue ri ime aferè esani kpu elu-awa."

Etè Hun E Shinni, A Turu!

² Ya mmon-ozì ibuzo no jen d'e hu ihien ri ime aferè a ye enu-awa, eje-ete hun e shinni, hun a turuni, no jun ndi hu ehù, ndi ahun bu ahima eje-anu hu le ndi hu fee ihien we kpu ke iya.

Ihien Ile Ri Ohimin A Nwunhun!

³ Mmon-ozì nke ebuo no hu ihien ri ime aferè a ye ime ohimin, mirin ri ime ohimin no ri ke edeke onye nwunni. Ihien owule ri ndun ime ohimin no nwunhun.

Iyi Le Isi-mirin E Henrin Edeke!

⁴ Mmon-ozì nke eto e hu ihien ri ime aferè a ye ime iyi le isi-mirin risonme uwa, we no henrin edeke.

Osolobue Ri E Ye Afunfun Furuni!

⁵ M nọ nụ kẹ mmon-ozì mirin ile rì ẹka a sị,
“Euu Onyẹ-nso,
onyẹ hụn rì kikenni, hụn rìzikwọ mbụ.
Ezigbo eñen kẹ y'a han!
Y'a hain
i gi e yesonmẹ wẹ afunfun ndini.

⁶ Makeni e gbuguọ wẹ
ndi-nso lẹ ndi-amuma,
y'e yeguọ wẹ edeke ra!
Ihiẹn wẹ cho
kẹ wẹ rì nwan a hụn!”

⁷ M nọ nụ kẹ ukpo nchụ-ẹjan shiari, sị,
“Egheẹ, Osolobue wu Di-nwonna-enyi,
Onyẹ nwon iken ile,
ikpe i ma wẹ hụ mma,
ezigbo eñen kẹ y'a han!”

Anwun E D'a Magbu Wẹ!

⁸ Mmon-ozì nke enọ nọ hu ihiẹn rì ime afere a kpu enya-anwun, gi e me anwun ma ihian oda-oda. ⁹ O makenmeke wẹ—kani, hụn nkẹ w'e gi gbehuto, mebehi njo, wẹ nọ kpoma Osolobue hụn rì e zihẹ afunfun ndini wẹ iyi. E yeni w'ẹ ogho.

Ishi E Kpume Wẹ!

¹⁰ Mmon-ozì nke isen nọ hu ihiẹn rì ime afere a ye ukpo-eze eje-anu hụ, ali-eze eje-anu hụ nọ gba ishi, wẹ nọ tamade ire wẹ * make oken-ufu wẹ rì ime e; ¹¹ wẹ nọ kpoma Chuku rì elu-igwee iyi make ufu lẹ ete rì wẹ ehụ—egbehutonì wẹ obi mebehi eje-ihien ndi wẹ rì e me.

Iyi Yufretis' A Tahì, Henrin Uwaya!

* **Isi Nke Mmisin:10** “tama nkwenren-eze”

¹² Mmọn-ozì nke isin e hu ihien rì ime afere a ye iyi uku hụ wụ Yufretisi, mirin ẹ nọ tahi, gi beyeni ndi-nze jenkọ d'a gha azuun ọwụwa-nya-anwun bia ụzọ.

Eje-mmọn Ẹtọ Hụn E Dufie Ndi-nze!

¹³ M nọ hụn eje-mmọn ẹtọ risonme ke ewo ke we gha onu Dragonu, onu eje-anu hu, le onu onye amuma-ntu hu pula. ¹⁴ Ndinu wu eje-mmọn ndi a risonme onun-atumenya ri ichen-ichen, uwe e jen d'a kpoqbama ndi-nze ile ri uwa make agha we jenkọ d'a lu Uhuohin nke Osolobue, Onye hun nwon ichen ile.

¹⁵ (Jesu si, “Lee e! M jenkọ d'a bia idumuzi nọke ohin. Ngozi jenkọ d'a rinu onye owule k'a munrun nya, e che, amangbe w'a tonarin a ekwa a, amangbe o gba oto a ghahunme, a hun we ihien ifenren e”!)

¹⁶ Eje-mmọn ẹtọ hụ nọ kpokwama ndi-nze, we ile nọ zu ebenu w'a kpo 'Amagidonu. 'Amagidonu ke w'a kpo a onu Hibru†.

Ali-omahihie Jogbu Enwen E!

¹⁷ Mmọn-ozì nke esa e hu ihien rì ime afere a ye ime ufere, oken olu nọ gha ukpo-eze hu, ime Ulo-nsọ, si, “O guguo!”

¹⁸ Amuma nọ besonme, mirin nọ densonme, akpabo nọ hansonme, ali nọ mahihie oda-oda. Udi ali omahihieni e metuni kete w'e bimele uwa; o mahihiekenmekel!
¹⁹ Obodo uku hụ nọ kebe uzọ ẹtọ; obodo shia efọ hūn risonme ali ile nọ tikpochanrin. Osolobue a nyanhan Babilon' uku hu, o nọ we mkpu-manya iwe-le-onuma a ye ẹ ra. ²⁰ Ali ile mirin nahunme e fopu; ahunzikwoni we ugu owule. ²¹ Eregede ekwan-igwee nyinhan ke ekpa simenti hu a gha elu igwere a dankwasị ihian—d'e ru ni a buma

† **Isi Nke Mmisin:16** I kpochanrin a, “Ha-magidonu” ro, hun wu “Ugu Magidon”.

wę Osolobue ọnu make afunfun hun ekwan-igwee hu ri a dannị ri e buhe ni we. Afunfun hu a jokemkeke njo!

Isi Nke Mmęsa

Oken Igbaraja Hu Le Eje-anu Hu

¹ Ya mmon-ozu ohi ime we esa hu gi aferę no bia d'e kunrun m, si m, "Bia, ni m ghosi i ikpe-omuma le afunfun jenkọ d'a rini oken igbaraja hu hun nodi ali enu iyi bu oda; ² oken igbaraja hu ya le ndi-nze uwa wi me mgba, hun mgba a we me tugbariguu ndi bi elu-uwa leke manya." ³ Ya mmon-ozu hu no buru m ime mmon shi ime atu, m no hun okpoho nodi ani elu eje-anu e nwun ufie-ufie. We dejun eje-anu hu efan ichen-ichen hun e kuto Osolobue ehụ. Isi esa le mpin iri ke eje-anu hu nwe.

⁴ Okpoho hu yi ewuru nanran oda-oda hun e nwun ufie-roni, ufie-roni le ufie-ufie. O yi ihien-mma ri ichen-ichen: ke goru ke ejije le ihien-mma ndi ozo—ke ihien mma we gi omuma hun a koni memę. O gizi mkpu we gi goru memę aka. Ihien runi le ihien ru unyin ya le igbaraja wi jun mkpu hu. ⁵ O nwe efan we de ye ezimezi-ihun e. Ali efan ahun e mika. Efan hu wu:

"Babilon' Uku, Nne Ndi-igbaraja Le Ihien Ile Runi Ri Imę Uwa."

⁶ M no hun a ni edeke okpoho hu ra, edeke ndi-nso le ndi we gbu make eri we shia ni Jizosi, ri a tu a ke manya.

Ogen m gi hun a, o tukenme m enya!

⁷ Kani, mmon-ozu hu no si m, "K'o ri a tuni i enya? M k'a kowa n'i ihien okpohoni le eje-anu isi esa le mpin iri hu bu n'e wu.

⁸ Eje-anu hu i hun te ri ari mbu, bu o rizi a nwan—kani, o d'a gha ime eje-mgbugbu hu migbu enwen e puha. O puhaguu, o k'a la ntikpo. Mgbe ndi hodụ enu-uwa—ndi ahun ile we deyeleni efan we ime ehuhuo nke ndun

nị Osolobue d'e gbe iyeto ụwa—k'e gi hụn ke eje-anụ hụ pụhazi, o k'a tū wẹ ęnya, makęni o te rị ari, bụ ọ rizi a nwan, kani ọ lalazi alala.

⁹ Ọnwan chọ amamihien le nghota.

Isi ęsa hụ wụ ugu ęsa okpoho hụ nọdi elu wẹ; wẹ wuzikwo ndi-nze ęsa. ¹⁰ Imę ndi-nze ęsa hụ, isen a dangwo; ohu rị nwan a ki; ọzo rị n'a e ke bia. Kani, ọ bia, ọ k'a tohu ẹkere sọ.

¹¹ O me nke eje-anụ hụ hụn rị mbụ bụ ọ rizi a nwan, iya wụ eze hụn k'e me wẹ ndi-nze ęsato, bụ onye ohu ime wẹ ęsa ro—makęni o k'a kizi. Kani, ogen o k'e gi fuhazi, ọ k'a lazikwo ntikpo.

¹² Mpịn iri hụ i hụn wụ ndi-nze iri hụn wẹ keleni kin eze. Kani wẹ k'e kin wẹ eze, a ki wẹ ẹkere sọ, mgbahunme okuloku ohu, uwe le eje-anụ hụ. ¹³ Ihien ohu ke wẹ iri bu obi—wẹ iri k'e kwerigbama, we okiki wẹ ye eje-anụ hụ n'ọ kima. ¹⁴ Wẹ k'a lusun Nwa-ebulu hụ agha, kani, Nwa-ebulu hụ k'e meri wẹ, makęni iya wụ Nna ndi-nna le Eze ndi-nze, makęni ndi ya le wẹ wị wuzikwo ndi Chuku kpọ, ndi ọ hori ahori, ndi wẹ gi e don ęnya.”

¹⁵ Mmon-ozị hụ nọzi si m, “Miri ndi hụ i hụn, hụn igbaraja hụ nọdi ali elu wẹ wụ ndi rị ichen-ichen, igunrun ihian rị ichen-ichen, ali rị ichen-ichen le asusu rị ichen-ichen.”

¹⁶ “Nke mpịn iri hụ i hụn, ize igbaraja hụ k'a ban uwe le eje-anụ hụ; wẹ k'e ti e iwi—napuchanrin a ihien owule—gbari a oto, ripu uru-ehụ a, kpọ a okun. ¹⁷ Makęni, Osolobue e bugwo ihien ọ chọ n'o me che wẹ ime obi, keni wẹ me e, ghahani ikwerigbama wechanrin ani-eze wẹ le okiki wẹ ye eje-anụ kima, d'e ru ogen oku Osolobue e gi mezuchanrin.”

¹⁸ “Nke Okpoho hụ i hụn, iya wụ obodo uku hụ hụn a kichanrin ndi-nze rị ụwa.”

Isi Nke Mmesato

Babilon' A Daan!

¹ Onwan e meguu, m no hun mmon-ozì ozo k'ò gha elu-igwee hidanla. Mmon-ozì hụ nwon iken o gi e me ihien bu oda; o banhan, uwa ile no nwun make ogho ri a ehụ hun ri e ti ke ukpe. ² O no gi oken olu si,

“O danguo! Babilonu uku a danguo! O wuruole ebe ejemmon ri ichen-ichen bi; ebe mmon owule runi bi; ebe nnunu owule runi bi; [ebe anu owule runi, hun e ze ize bi]. ³ Make ni, ndi ani ile a raole manya a; o tugbuguo we—manya a hun wu ughere le ihien-olila-enya. Ndi-nze ri uwa e meguo mgba a. Ndi-afia uwa e giguo aku-le-uba a gha obibi ehụ-ufu le eje-obibi e henrinsonme ndi-idafin.”

⁴ Ya m no nu ke olu ozo gha elu-igwee si,

“Ndi nke m, gha ni ime e puha, amamgbe unu e bu eka che ime njo a, amamgbe unu e son e narin afunfun rini n'a; ⁵ make ni, enumenu njo a e ruguo enu-igwee; Osolobue a nyanhanguo njo a.”

⁶ “Me e ihien o me ndi-ozo! Megwari a ya uzo ebuo! Gbaye e manya k'o don gbaye ndi ozo—y'a gbayedo e ya uzo ebuo! ⁷ Ye e afunfun le ekwan hun han ke ogho o ye enwen e le obibi ehụ-ufu o bi.

Ebe o me ni o si enwen e, ‘Mme ri a ki, mme wu eze-okpoho; di anwunnahinni m, ihien-ekwan emeko ml’ ⁸ Ya wu, afunfun ile rini n'a k'e gi enya-anwun akp'ohin ohu biachanrin—ke onwun, ke ihien-ekwan, ke unwun. We k'a kpọ a okun. Eghęę, make ni Chuku-Nna, hun ri a ma a ikpe wu diken.”

⁹ Ndi-nze ri uwa hun meguu mgba a, son e bi obibi ehụ-ufu, k'a kwan n'a ekwan, gon'e—ogen w'e gi hun enwunrun okun we kpọ a. ¹⁰ Egun afunfun o ri ime e aniko we nokunme e. We k'e turu ebe teni, a si,

Nghoṣi Isi Nke Mmesato:11 36 Nghoṣi Isi Nke Mmesato:17

“Lee o! Lee o!
Ledę obodo uku hu-o!
Obodo uku wu Babilonu!
Afunfun we ye e e gi ekerę ogen suo,
mgbahunme okuloku ohu,
biachanrin!”

¹¹ Ndi-afia uwa k'a gha a kwan n'a ekwan, sukuru, makeni o nwonzini onye e nonnarin we ibu-afia we—
¹² goru, ola (siva), ejije le ihien-mma ndi ozọ le omuma ndi akoni w'a cho a cho we gizi a cho ihien mma; ekwa line, ekwa popu nanranni, ekwa Siki le ekwa ufie; udi osisi ile e shin ohunma le ihien ile ri ichen-ichen we gi aivri wu eze-enyi meme; udi ihien owule we gi osisi sitron hun a nanranni le igwe bronzu le igwe mmaka le mabulu meme; ¹³ sinamonu le ihien ndi ozọ ihien-oriri gi a suo; nsensi le maa le Frankisensi; manya, uden-olivu, oka we gwe nanranni le oka-witi; efin, atunrun, eshin le ugbo-anyinyan; igbon le ume-ndun ihian.

¹⁴ Ndi-afia hu k'a si a,

“Ihien ile ri mma ri a nagbu i enya a nahinguo ! Ihien ile ehụ gi e fu i le ogho i ile e hunahinguo ! Y'a hunkozi we jenin ejen!”

¹⁵ Ndi hun a zu afia ihien ndini, hun gi afia uwe le ya a zu hi odafin k'e turu ebe teni a kwan ekwan—egun afunfun o ri ime e aniko we nokunme e—we k'a kwan ekwan, e goo, a si,

¹⁶ “Lee o! Lee o! Lee obodo uku hu, hun yi ekwa line nanranni le ekwa popu nanranni le ekwa ufie, hun yi ihien-mma nanranni jun ehụ—ke goru ke ejije le ihien mma ndi ozọ we gi omuma a koni meme! ¹⁷ Aku-le-uba hu ile e giguọ nwan ekerę ogen suo, mgbahunme okuloku ohu, lachanrin iwi!”

Nghosì Isi Nke Mmesatọ:18 37 Nghosì Isi Nke Mmitenèi:1

Ndị-isi ụgbọ-mirin ile lẹ ndị ile e gi ụgbọ-mirin e jẹn lẹ ndị a rụn ime ụgbọ-mirin lẹ ndị ọwụlẹ e gi ụgbọ-mirin a zụ afia, nọ turu ebe teni, ¹⁸ e yi oro—ogẹn wẹ gi hun ẹnwunrụn wẹ gi kpọ a ọkụn—a sị,

“Elee obodo nọ kẹ obodo ukuni?”

¹⁹ A buọ wẹ uzunzun ye isi, a kwan, e goo—a sị,

“Lee-o! Lee-o! Ledẹ Obodo uku hụ ndị ile nwon ụgbọ-mirin ime ohimin gi akụ-lẹ-uba a hi ọdafi! E gi wẹ nwan ẹkẹrẹ ogẹn, mgbahunmẹ ọkụlọkụ ohu, tikpofu a!”

²⁰ Euu elu-igwee, ghoghoma n'ọ dangụ! Ụnụ ndị-nsọ lẹ ndị-ozì pụ-ichen lẹ ndị-amụma, ghoghoma ni n'ọ dangụ! Makèni, Osolobue e giguọ ufiri ọnụ ma a ikpe!

²¹ Ya mmọn-ozì ohu kin-akwanran ọda-ọda nọ buru ọlọ hi-ogbe, tū a ye ime ohimin, sị,

“Enina kẹ wẹ jenkọ d'e gi gi ẹka-iken tū obodo uku hụ wụ Babilonu ye alị; ahunkozi w'a!”

²² “Anukozi wẹ olu ndị-ubọ lẹ olu ndị ọkụ-ẹbụ lẹ ọkụ-ẹkpiri lẹ ọkụ-opi ime i;

ahunkozi wẹ onye ọrụn-nka ọwụlẹ ime i;

anukozi wẹ ukwere ọlọ ime i;

²³ ukpe-ẹka enwunkozi ime i;

anukozi wẹ olu ighoghọ ndị rị a gba ẹhuhụọ ime i.

Ọnwan k'e mẹ makèni ndị-afia i gi ndị-uku uwa wẹ wụ wiwi ihien, o k'e mẹ makèni y'e giguọ eje-iken i mẹ ndị alị ile kẹ i mẹ wẹ, dufiechanrìn wẹ.

²⁴ Ẹka a kẹ wẹ nozi hun edeke ndị-amụma lẹ ndị-nsọ lẹ ndị ile wẹ gbu ime uwa.”

Isi Nke Mmitenèi

A Ghoghoma Wẹ Elu-igwee

¹ Ọnwan e meguu, m nọ nụ oken uzun ime elu-igwee, hun nọ kẹ olu igunrun hi-ogbe; wẹ hụ a sị, “Ija-mma ya rini Osolobue! Nzuopuha lẹ ogho lẹ iken wụ nke Osolobue

enyi!— ² makeni ezioku k'o gi a han enen; o han ezigbo enen. O maguọ oken igbaraja hu ikpe, igbaraja hu gi ughere e meru uwa. Osolobue e yeguọ a afunfun make edeke ndi idibo Osolobue o gbu, gi megwari a ihien o me we.” ³ We no siji, “Ija-mma ya rini Osolobue! Enwunrun okun we kpo igbaraja ahun hu a loshi enu jenrin ejen!”

⁴ Ndi-isi eno kwasi ogun hu le ihien eno hu ri ndun no dan ali, fe Osolobue hun nodi ani elu ukpo-eze hu, si, “Isee! Ja ni Osolobue mma (Aliluya*).”

Oriri-agbamehuhuo Nwa-ebulu Hu

⁵ Olu no gha ukpo hu si, “Ja ni Chuku enyi mma, unu ndi idibo e le ndi ile a tu egun e—ke ndi uku ke ndi nta!”

⁶ Ya m no nu oken olu hun no ke olu igunrun hi-ogbe mobu oken mirin ri e huni le oken akpabo. Olu hu ri a si, “Ija-mma ya ri ni Osolobue—

Aliluya! Makeni Di-nwonni-enyi wu Osolobue enyi, onye hun nwe iken ile, ri a ki!

⁷ Ni enyi ghoghoma ni, ni enyi nanma ni; ni enyi yeme e ogho, makeni agbamehuhuo Nwa-ebulu hu e ruguo; nwa-agbo o k'a lu a kwademegu enwen e.

⁸ A nigu we nwa-agbo hu yiri ekwa line nanranni, hun ri e gbukeni, hun nwonleni nkaru”—makeni ekwa line hu ri a ghosi orun oma ndi nke Osolobue run.

⁹ Mmon-ozu hu no si m detu onwan: “Ngozi a rikakwo ni ndi hu we kpo oriri agbamehuhuo Nwa-ebulu hu.”

O nozi si m, “Ihienni wu oku Osolobue nke-esi.”

¹⁰ Ya m no dan ali uku a, keni m fe e, kanu o no si m, “Emekwole a! M wuhu odibo rike yu le umune i ndi kwodon oku Jesu. Fee Osolobue! Makeni, ihien Jesu ku, iya wu ali ihien ile ndi-amuma ku.”

* *Isi Nke Mmitenei:4* “Aliluya” wuzi “Ja ni Osolobue mma!”

Onye Hụn Nyinko Eshin Ochan

¹¹ Ya m nọ hụn kẹ elu-igwee kpupu, a hụn m eshin ochan ebẹhụ; efan onye ri e nyinn'e wu “Onye-wẹ-gi-don-nya lẹ Ezioku.”

O han enen zinrinni, a lụ agha zinrinni.

¹² Enya a hụ e nwun kẹ ire-ọkụn. Okpu-eze bu ọda ri a isi. O nwonzikwo efan wẹ de ede hụn o mę ni o nwonni onye marin n'a wezuka ya lẹ enwen e. ¹³ O yi ewuru wẹ yoye ime edeke. Efan wẹ gi marin a wu Oku Osolobue.

¹⁴ Ndi-agma enu-igwee ile nyinko eshin ochan sonko a. Ewuru wẹ wu ezigbo line ochan, hụn nwonleni nkaru.

¹⁵ Opi-agha tuni gha a onu suepuha, hụn o jenkọ d'e gi meri ndi ali ile. O jenkọ d'e gi okpo-igwe ki wẹ. O k'a zokpukpo wẹ kẹ ihian don a zo akpuru vaini: ebẹhụ Onye ahun nwon iken ile wu Osolobue nọ a ghosi oken iwe-le-onuma-a k'o k'a nọ zo wẹ. ¹⁶ Nzere wẹ deye elu ewuru e lẹ ogbodo gbo a wu

“Eze ndi-nze lẹ Nna ndi-nna.”

Jizosi E Meri Eje-anu Hụ Lẹ Onye Amuma-ntu Hụ

¹⁷ Ya m nọ hụn mmon-ozu ohu k'o turu enya-anwun, o nọ gi oken olu kpo nnunu ile e fe elu-igwere oku, si wẹ, “Bia ni-o! Gbakikome ni d'e ri oriri uku Osolobue kpo-o!

¹⁸ D'e ri ni anu ndi-nze lẹ ndi-ndu-agma uku lẹ ndi-uku; anu eshin lẹ ndi te ri e nyinni wẹ; anu ihian ile—kẹ ndi nwon enwen wẹ-o kẹ igbon-o; kẹ ndi uku-o kẹ ndi nta-o!”

¹⁹ M nọ nwan hụn eje-anu hụ lẹ ndi-nze uwa lẹ ndi-agma wẹ ebe wẹ gbakikome ni wẹ d'a lusun onye hụn ri e nyin eshin hụ lẹ ndi-agma a ogun. ²⁰ Kani wẹ nọ nwundon eje-anu hụ, ya lẹ onye amuma-ntu ahun te ri a rundon ni eje-anu hụ orun-atumenya—hun gi orun-atumenya ndi hụ dufie ndi hun narin ahima eje-anu hụ lẹ ndi hun fe ihien wẹ gi udi a kpu. Wẹ nọ tu wẹ ebuo ebe wẹ ri ndun ye ime omi ahun okun ri, hun okun a gi nsin-enya-anwun a

dun. ²¹ Wẹ nọ gi oṣia-agma onyẹ hun rì e nyin ẹshin ochan gbupu ndi hoduni—oṣia-agma hu gha onu a apuha; nnunu ile nọ gi anu wẹ rijunchanrin efo, righafe oken.

Isi Nke Ogun

Ahwa Ogun-iri Kwasi Nnunaì Hu

¹ Ya m nọ hun mmon-ozì ohu k'ọ gha elu-igwee hidanla, o gi ishanhan eje-mgbugbu hu migbu enwen e le ẹgan hiogbe. ² O nọ nwundon dragonu hu, agwo mbu-mbu hu wu Ekwensu, hun wuzikwo Setani, ken e ẹgbun jenkọ d'a to ahwa ogun-iri kwasi nnunai, hun wu ahwa nnu-uku; ³ o nọ tu a ye ime eje-mgbugbu hu migbu enwen e, kpokin eje-mgbugbu hu, fidon e—amamgbe o dufiezi ndi ani ri ichen-ichen. Wẹ k'e donme e ebehu d'e ru ni ahwa ogun-iri kwasi nnunai hu e zu. Ohun meguu, wẹ k'a hatuziriri a ekere ogen.

⁴ Ya m nọ hunsonme ukpo-eze; wẹ nọ tume ndi hun nodisonme ani enu wẹ ndi k'a han enen. M nọ hunzikwo ume-ndun ndi hu wẹ gi ifiri eri wẹ shia ni Jizosi le ifiri oku Osolobue befụ isi. Ndinì ju ni efekọ wẹ eje-anu hu mobu ihien hu wẹ gi udi a kpu, juzi ni anarinko wẹ ahima eje-anu hu ezimezi-ihun wẹ mobu eka wẹ. Wẹ nọ nwan gha onwun lihi, rizi ndun, son Kraisti ki ahwa ogun-iri kwasi nnunai hu, ahwa nnu-uku. ⁵ (Ndi ozo nwunni aghani onwun lihi d'e ru mgbe ahwa ogun-iri kwasi nnunai ahun gi zuguu.) Onwan wu igha-onwun-lihi nke ibuzo.

⁶ Onye wẹ gozi agozi le onye ri nsọ ke onye owule k'a ri ndi k'a gha onwun lihi nke ibuzoni wu. Onwun nke ebuo enwon iken ebe ndini ri—anwunko wẹ onwun nke ebuo. Kama, wẹ k'a wu ndi nchu-ejan Osolobue le Kraisti. Wẹ k'e son Kraisti ki ahwa ogun-iri kwasi nnunai.

Nke Ekwensu A Guu!

⁷ Ahụa ogun-iri kwasi nnunai hu zuguu, a topu we Ekwensu, gha ime ngan o ri wepuha a. ⁸ O k'a pu d'e dufie ani ndi risonme ebamin-eno uwa, Gogu le Magogu ke w'a kpo we. O k'e wegbama we d'a lu agha. E bukenmeke we oda: we no ke ejan ri ohimin. ⁹ We no ghakworị ebe we ri fetu ali ichen-ichen ri elu-uwa* bia d'e fihunme ebe ahun ndi nke Osolobue ri (ago we) le obodo ahun ri Osolobue obi; kani, okun no gha enu-igwee hidan, bu we ile ri.

¹⁰ We no tu Ekwensu hun dufieni we ye omi okun le nsin-enya-anwun hu—ebehu eje-anu hu le onye amuman-tu hu ri. We k'e ye we afunfun uhinhin le efinnai jennin ejen.

Okinkin-ikpe Ikpazuun

¹¹ Ya m no hun ukpo ochan ohu hi-ogbe le onye hun nodi ali elu e. Uwa le elu-igwere no gha ebe o ri gbafu, o nwonzini ebe we k'a nodi. ¹² M no hun ndi nwunni ke we turu ihun ukpo-eze hu—ke ndi-uku ke ndi-nta. E kpupusonme we ehuhuo bu oda; ya we nozi kpupu ehuhuo ozo, hun wu ekukwo nke ndun. We no gi ihien onye-onye me kin ndi hun nwunni ikpe—ke we don detosonme we ime ehuhuo ndi hu.

¹³ Ohimin no wepuha ndi-nwunni ri ime e, Onwun le Ali-mmọn no wepuhazikwo ndi-nwunni ri ime we. We no gi ihien onye-onye me kin e ikpe.

¹⁴ Ya we no tu Onwun le Ali-mmọn ye ime omi-okun hu. Omi okunni wu onwun nke ebuo. ¹⁵ Onye owule we hunleni efan a ime ekukwo nke ndun, a tu we onye hu ye ime omi-okun hu.

Isi Nke Ohu-kwasị-ogun

Elu-igwee Ohun Le Elu-uwa Ohun

* *Isi Nke Ogun:9* ledele Habakoku 1.6

¹ Ya m nọ hụn elu-igwee oḥun lẹ enu-ụwa oḥun, makeni elu-igwee ibuzo lẹ elu-ụwa ibuzo a laguo. Ohimin arizi a.

Jerusalem' Oḥun

² M nọ hụn obodo-nsọ hụ, Jerusalem' oḥun hụ, k'ọ gha enu-igwee hidanla, Osolobue zihẹ ẹ. O ri ke nwa-agboọ wẹ choḡuḡu mma, hụn ri e che di ẹ. ³ M nọ nụ oken olu gha ebe ukpo-eze hụ ri a si,

“Lee ẹ, ebe-obibi Osolobue a biaguo ime igunrun ihian; o k'e bi ime igunrun wẹ. Wẹ k'e fee ẹ ni uwe wu ndi nke ẹ; [Osolobue k'e me wẹ ni ya wu Osolobue wẹ]—Osolobue lẹ enwen ẹ k'a noyeni wẹ. ⁴ O k'e finchanpuchanrin wẹ ẹnya-mirin owule ri wẹ ẹnya. Onwun arikozi; ke ihien ẹnya-mirin ke ekwan ke ufu arikozi—makeni ihien akan a ghafeguo.”

⁵ Onye hụ nodi ani elu ukpo-eze hụ nọ si,

“Lee ẹ! M ri e kedonzi ihien ile!”

O nọ siji, “Detu ihienni, makeni oku ndini wu ezioku lẹ oku furu wẹ gi e don ẹnya.”

⁶ Ya o nọ si m, “O meguo! Mmẹ wu Ibuzo lẹ Ikpazuun, Mbidon lẹ Ogugu. Onye owule egun-mirin ri a gun, m k'a gha isi-mirin hụ mirin e ye ndun gha e hupuha ye ẹ mirin ofe. ⁷ Ndi hụn merini k'e nwehen ihien ndini m k'e ye. M k'a wuru Osolobue wẹ, a wuru wẹ umu m.

⁸ Kani, nke ndi a tu egun lẹ ndi-kwerileni lẹ ndi runi; ndi-izighe lẹ ndi-ughere; ndi ile e bu-nshin lẹ ndi gi iken eje-mmon a run; ndi a rua mmon lẹ ndi-ntu ile—wẹ ile shiko d'a ri ime omi okun lẹ nsin-ẹnya-anwun hụ, hụn wu onwun nke ebuo.”

Jerusalem Oḥun Hụ

⁹ Ya mmon-ozu ohu ime wẹ esa hụ te bu afere afunfun ikpazuun esa nọ bia d'a si m, “Bia, m k'a ghoṣi i onye hụ

ya le Nwa-ebulu hu jenkọ d'a gba ehuhuo, nwunye Nwa-ebulu hu.” ¹⁰ O no buru m ime-mmon shi enu ugu ohu, oken-ugu, hun jen elu oda-oda; o no ghosi m obodo-nsọ hu wu Jerusalem k'ọ gha elu-igwee hidanla, Osolobue zihę e. ¹¹ Ogho Osolobue ri a ehụ, o hu e be nwanran-nwanran ke ihien-mma ndi ahun a kokenmeni, leke akpuru Jaspas; o hu e nwun zai. ¹² Mgbon e hi-ogbe, jen elu oda-oda. Onu-mgbon mmebuo k'o nwe; mmon-ozu ohu-ohu turusonme onu-mgbon ndi hu. We deye efan ikpun-ulo mmebuo ri Izrelu ohu-ohu onu-mgbon ndi hu. ¹³ Onu-mgbon eto-eto risonme e ebamin eno—eto ri ibeka owuwa-enyanwun, eto ri ibeka ugu, eto ri ibeka ndidan-mirin, eto ri ibeka ndidan enyanwun. ¹⁴ Mgbon ani hu nwon omuma mmebuo gin'e nọke iyeto. We deyesonme efan ndi-ozu puchen mmebuo Nwa-ebulu hu enu we.

¹⁵ Mmon-ozu hu gwa m oku gi mkpnsin goru we gi a ma ihien, hun o k'e gi ma obodo hu le onu-mgbon ndi rin'a le mgbon e. ¹⁶ Obodo hu nwe azuun eno. Azuun eno ahun wuchanrin ahanmahan—ya wu, k'o suehan k'ọ shihan.

O no gi mkpnsin a ma obodo hu. *stadion* nnu-uku mmebuo ro (ya wu ihien nọke maili ogun-mmitenei kwasi nnu-eto). K'o suehan le k'ọ shihan le k'o jehan elu wuchanrin ahanmahan. ¹⁷ O nozi ma ke mgbon e shihan: gha mkpo-eka d'e ru onunu-eka mmebuo-uzo-mmebuo (kubiti eno kwasi ogun-esa) k'ọ wu—ke ihian don a ma ihien. Ihien mmon-ozu hu gi ma a hanhu ke hun ihian gi a ma ihien.

¹⁸ Omuma a koni w'a kpọ Jaspas ke we gi tun mgbon hu; goru we gwagbamalenı ya le ihien owule ke we gi tun obodo hu; o nwun zai ke ughegbe.

¹⁹ We gi udi ihien-mma ile ri ichen-ichen ri mkpa chosonme omuma ndi hu gi mgbon hu nọke iyeto mma. Nke ibuzo wu Jaspas; hun me e ebuo wu Safes; hun me we

etọ wu ageti. Hụn mę wę ęno wu emaradi; ²⁰ hụn mę wę isen wu onisi; hụn mę wę isin wu kaneliani. Hụn mę wę ęsa wu kraisolaịti; hụn mę wę ęsato wu berilu; hụn mę wę itenei wu topazi. Hụn mę wę iri wu kraisopresi; hụn mę wę mmanai wu jasinti; hụn mę wę mmebuo wu ametisi.

²¹ Omuma pu-ichen a koni hụn wę gi tusonme onu-mgbon mmebuo hu risonme udi ichen-ichen. Onu-mgbon owule ime wę wu ogbe omuma pu-ichen ohu—omuma ndi hu w'a cho acho wę gi a cho ihien mma. Goru wę gwaleni ke wę gi memę uzọ uwaya-kani hụn ri ime obodo hu: o nwunchanrin zai ke ughegbe!

²² Ahunni m uno-nsọ owule ime obodo hu—makeni Osolobue hụn wu Di-nwonni-enyi, Onye hụn nwon iken ile, le Nwa-ebulu hu wu Ulo-nsọ obodo hu. ²³ Obodo hu achodeni enya-anwun mobu ifon hụn k'e ye e ukpe, makeni ogho Osolobue wu ukpe e, Nwa-ebulu hu wu ukpe-eka a.

²⁴ Ukpe obodo hu ke ndi ani ichen-ichen k'e gi bi. Ndi-nze uwa k'e webanhan ogho wę ime Obodo hu.

²⁵ Agunmakọ wę onu-mgbon obodo hu ebe eki ri elu, bu uhinhin ariko ebefu. Ya wu, agunmakọ w'a ke uhuhin han.

²⁶ Wę k'e webanhan ogho ali ichen-ichen le aku-le-uba wę ime e. ²⁷ Kani, o nwonni ihien owule rileni ochan mobu onye owule hụn e mę ihien runi enya Osolobue mobu ihien owule ya le ntụ wi k'a banyen'e. Ndi wę de efan wę ime ekukwo nke ndun Nwa-ebulu hu, uwe sọo k'a banye e.

Isi Nke Ebuo-kwasi-ogun

Iyi Hu Hụn Mirin E E Ye Ndun

¹ Mmon-ozu hu no ghosi m iyi ahun mirin e e ye ndun; o gha ukpo Osolobue le Nwa-ebulu hu hula; o nwun zai

kẹ ughegbe. ² O huko ahanmahan ọzọ ọwaya-kanị rị ime obodo hu. Osi ahun hun e ye ndun risonme iyi hu azunni le azunni. Osi hu a mi udi mkpuru mmebuo ahu. Ifon-ifon ke o gi a mi mkpuru. We gi ehuhuo a a zuo ndi ani ile orja.

³ Ahunkozi we ihien we bu onu. Kama, ukpo-eze Osolobue le Nwa-ebulu hu k'a rị ime e, ndi-idibo e k'a rị e fe e. ⁴ We k'a gha a hun ihun e; efan a k'a rị we ezimezi-ihun. ⁵ Ohihị agbakozi; achokozi we ukpe-eka mobu ukpe enya-anwun w'e gi legha ọzọ, make ni Osolobue hun wu Di-nwonni-enyi jenkọ d'a wu ukpe we. We k'a ki jenin ejen.

Ọbịbịa Jesu

⁶ Mmon-ozì hu nọ sị m, “Oku ndini wu ezioku, we furu w'e gi don enya—make ni Onye-nwonni-enyi, Chuku hun a gwa mmon rị ime ndi-amuma ihien hu ndi-amuma e ku, iya zihę nwan mmon-ozì e d'a ghosì ndi-idibo e ihien ndi hun o meni we k'e meriri egwa.”

⁷ Jesu sị,

“Lee e, m lala egwa!

Ngozi rinì onye k'e me

ihien amuma rị ime ehuhuoni ku!”

⁸ Mme wu Jonu, mme gi ntin m nu ihien ndini, gi enya hun we. Ogen m gi nuguu we, hunguu we, m nọ dani mmon-ozì hu ghosì ni m we ali—ni m fe e. ⁹ Kanì o sị m, “Emekwole a! M wu odibo ibe i—iyu le umune i ndi-amuma le ndi hun e mesonme ihien ndi hu ehuhuoni ku. Fee Osolobue!”

¹⁰ O nozi sị m, “Ezumele ihien ndi we ku ime amuma rị ehuhuoni, make ni, ogen we k'e gi me rị nsue. ¹¹ Onye e me njo ya mesonme; onye e bi obibi ru unyin ya bisonme; onye rị ochan ya risonme; onye rị nsọ ya risonme.”

¹² Jesu si, “Gon ni ntin, m lala egwa! Ugwo-orun m jenko a ku ri m aka. M k'a ku onye owule ugwo k'o don run.
¹³ Mmewu wu Afa le Omega, Ibuwo le Ikpazuun, Mbidon le Ogugu.”

¹⁴ Ngozi rini ndi hu k'a su ekwa we, keni we ni we d'e ri mkpuru osisi ahun e ye ndun, keni we ni we gha onu-mgbon hu banye ime obodo hu. ¹⁵ Makeni, ndi hu e bi ke nkite, ndi a ruammon, ndi e bu nshi le ndi gi iken ejemmon a run, ndi-ughere, ndi-izighe, ndi a ruammon le onye owule ntu a suo le onye owule e me ihien ya le ntu wi abanyeko obodo hu.

¹⁶ “Mmewu Jesu zi mmnon-ozini m ozini d'e zi unu, keni o rusonme aka ichen-ichen aka. Mmewu mkpogun ahun Defidi gha suepuha; m ghazikwo ehun Defidi puha. Mmewu kokise utuntun hu hun e keni.”

¹⁷ Mmon-nsolo le okpoho hu 'ya le Jesu jenko d'a gba ehuhuo ri a si,

“Bia!”

Onye owule hun nuni ya siji,

“Bia!”

Onye owule egun-mirin ri a gun ya bia! Onye owule choni, ya weri mirin hun e ye ndun, ya weri e ofe ra.

Eka-ntin!

¹⁸ M ri a gwakwo onye owule nu ihien ndi we ku ime amuma ri ekukwoni ni onye owule becheni ni we, Osolobue k'e beche n'e afunfun ndi hu we ku oku we ime ehuhoni; ¹⁹ onye owule wepu ihien ime we, Osolobue k'e wefu ihien run'e ime osisi hu e ye ndun le obodo-nsolo hu we kusunme oku we ime ehuhoni.

Mmekin

²⁰ Onye hun ku ihien ndini, hun gi we shia eri, si,

“Eghee, m lala egwa!”

Nghosì Isi Nke Ẹbụọ-kwasì-ọgun:2147Nghosì Isi Nke Ẹbụọ-kwasì-ọgun:21

Iseẹ! Onyẹ-nwọnni-ẹnyi wụ Jesu, bịa!

²¹ Ẹfoma Onyẹ-nwọnni-ẹnyi wụ Jesu ya rini ihian ile.

Elu Ọhụn: Èkùkwọ-Nsọ (Azụn Ọhụn rịn'a)
Revision of New Testament in Ika

copyright © 2010 Wycliffe

Language: Ika

Translation by: Wycliffe

Ika (ikk) Nigeria

In Nigeria the word Ika is not only the name of the Ika people, but is also used to designate a local government area in the Akwa Ibom State. The Ika people are a sub group of the Igbo people. It is interesting to note that Ika is the name of a town in Croatia is one of the eight Annang local government areas of the local government areas in Akwa Ibom State. An alternative name for the Ika people is Ika-Annang. There appears to be another dialect of Ika that is spoken in Delta State of Nigeria.

Copyright Information

© 2010, Wycliffe. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789037056

Revision

The New Testament

in Ika

© 2010, Wycliffe. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 19 Oct 2021 from source files dated 19 Oct 2021

31b0248e-272a-5dee-8226-bcc00c54d9b1